


公羊傳

卷二十二至卷二十四



昭公

諸暨圖書館  
ZHUJI LIBRARY

諸暨圖書館

ZHUJI LIBRARY

00025

上海图书馆藏

ZHANGJI LIBRARY

藏书

00052

2  
諸暨圖書館  
ZHUJI LIBRARY



諸暨圖書館  
— ZHUJI LIBRARY —



諸暨圖書館  
— ZHUJI LIBRARY —

春秋公羊註疏昭公卷第二十二

齊起元年

二年

漢何休學

續書記

昭公

元年春王正月公即位

叔孫豹會晉趙武楚公子圍齊國酌宋向戌衛石惡陳

公子招蔡公孫歸生鄭軒虎許人曹人于澠

皆與君同名不正之者正之當貶貶之嫌觸大惡方

譏二名爲諱義當正亦可知  
○國酌二傳作國弱招  
上遙反軒虎軒依字許

言反舊音罕二傳作罕虎澠音  
郭又音號左氏作號穀梁作郭  
**國**齊國酌○解云亦  
有作國弱者○**國**

成惡至大惡○解云下七年秋衛侯惡卒十年冬宋  
 公戌卒知向戌齊惡皆與君同名也然則君臣者父  
 子之倫寧有同名之理今二子與君同名乃是不可  
 之甚而春秋不正之者若正之當去其氏或貶稱人  
 若其去氏嫌如宋督宋山齊無知之屬若其稱人嫌  
 如襄三十年澶淵之大夫有作福之大惡由茲進退  
 不得正之然則君臣同名不軌之甚得不為大惡者  
 正以各者父之所置已父未必為今君之臣已或先  
 世子而生君子既孤禮有不更名之義是以春秋謂  
 之小惡曲禮下篇云不敢與世子同名鄭註云其先  
 之生則亦不改義亦通於此以此言之則知無駭入  
 極之屬自是大惡故去其氏俠卒輦溺會齊師之屬  
 未命大夫正合無氏須辟嫌故○**圖**方譏至可知○  
 解云定六年冬季孫斯仲孫忌帥師圍運傳云此仲  
 孫何忌也曷為謂之仲孫忌譏二名二名非禮也何  
 氏云為其難諱也一字為名令難言而易諱所以長  
 臣子之敬不逼下也春秋定哀之間文致太平故見  
 王者治定無所復為議唯有二名故譏之此春秋之



制也然則所見之世文致太平二名者小過猶尚議  
之況名不辟君乃小惡之大者乎當須正之亦可知  
矣總三世言之昭為太平之首所以不譏二名而定  
哀之間乃譏之者蓋欲析而言之未當孔子之身故  
也云云之說

**此陳侯之弟招也何以不稱弟**

**國** 据

八年稱弟

**國** 据八年稱弟○解云即八年經云  
春陳侯之弟招殺陳世子偃師是

**貶**

曷為貶

**國**

据八年殺偃師猶不貶為殺世子偃師貶

曰陳侯之弟招殺陳世子偃師大夫相殺稱人此其

稱名氏以殺何

**國**

難八年事

○為殺于偽反下註為  
內為仕皆同難八乃且

反二年

**國**

曰陳至偃師○解云元舉八年經文然後  
註同○難之○大夫相殺稱人○解云文十六年

宋人弒其君處曰之下師  
解故此弟子取而難之

言將自是弒君也

**國**

明其

欲弑君故令與弑君而立者同文孔瑗弑君本謀在

招 ○令力 **詁**言將至君也 ○解云世子者君之副貳

故稱其名氏不作兩下相殺辭矣 ○ **詁**明其至同文

○解云兩下相殺例自稱人今欲明自是弑君故與

文十四年齊公子商人弑其君舍又同矣若然大夫

相殺稱人而宣十五年王札子殺召伯毛伯亦是夫

夫相殺而不稱人殺者彼註云大夫相殺不稱人者

正之諸侯大夫顧弑君重故降稱人王者至尊不得

顧是也 ○ **詁**孔瑗至在招 ○解云案昭八年春陳侯

之弟招殺陳世子偃師夏四月辛丑陳侯溺卒竟無

孔瑗弑君之文而知孔瑗弑君者正以八年下文冬

十月壬午楚師滅陳執陳公子招放之于越殺陳孔

瑗葬陳哀公當爾之時楚人託討于陳招殺世子但

適放之而已孔瑗見殺明其弑君故也是以九年陳

火之下傳云滅人之國執人之罪人殺人之賊葬人

之君以此言之知孔瑗為弑君賊矣而經不書孔瑗

弑君者本為招弑當舉招為重也但始有討不成為弑陳侯溺卒者但自卒耳何氏之意見招作弑君之文故知本謀在招也本謀在招則招當為首而楚人所以不殺招但放之者蓋楚失其意或陳招歸罪於孔瑗是以但罪於孔瑗而招但罪其殺世子之愆遂免弑君之咎春秋體其事故於殺世子經書其名氏矣

今將爾詞曷為與親弑者同君親無將將而必誅焉然則曷為不於其弑焉貶○据未弑也○今將至者同○

解云言招但與孔瑗為謀首而將欲弑陳侯爾而經曷為書招名字乃與親弑者同文乎○据未弑也○解云据今仍未弑而已貶去其弟曷為不於八年殺世子時貶之乎以親者弑然後

其罪惡甚春秋不待貶絕而罪惡見者不貶絕以見

罪惡也○招殺偃師是也○見者賢○以親至惡也○解云傳言○徧反下同

此者欲道八年之時罪惡大甚不假貶絕也云春秋不待貶絕而罪惡見者云云者解之而言春秋者欲道上下通例如貶絕然後罪惡見者貶絕以見罪惡此不為此文

也招稱公子及楚人討夏徵舒貶皆是也

子○解云此文是也○及楚至徵舒○解云即宣十一年冬十月楚人殺陳夏徵舒傳云此楚子也其

稱人何貶曷為貶不與外討是也今招之罪已重矣曷為復貶乎此

據棄疾不豫貶○復扶○今招至乎此○解云此又反○今謂八年之時言八年

殺世子之時將有弑君之意即是其罪已重矣何不逐其重處而貶之曷為又復豫貶於此○據棄疾

不豫貶○解云下十一年夏楚公子棄疾帥師圍蔡至十三年夏楚公子棄疾弑公子比與招殺偃師無

與棄疾於圍蔡之時不豫著招之有罪也何著乎招貶此則貶之故以為難也

之有罪國据棄疾不著言楚之託乎討者以滅陳也

國起楚託討招以滅陳意也所以起之者八年先言

滅後言執託討招不明故豫貶於此明楚先以正罪

討招乃滅陳也國所以至陳也○解云八年經云

招放之于越殺陳孔瑗葬陳哀公是其先言滅後言

執之事也言託討招不明者正以若其託討宜先執

後滅今乃先言滅後言執是託討不明楚先以正罪

討招乃滅陳也而八年經先書滅者彼註云託義不

先書者本懷滅心然則楚人本懷滅人之心故先書

滅而宣十一年冬十月楚人殺陳夏徵舒丁亥楚子

入陳先書討賊乃言入陳者莊王討賊

二月取運

傳

運者何內之邑也其言取之何

國

据自魯

之有不聽也國不聽者叛也不言叛者為內諱故書

取以起之不先以文德來之而便以兵取之當與外

取邑同罪故書取月者為內喜得之國運者何國解

而經書取欲言外邑文無所繫故執不知問國月者為內喜得之國解云正以僖三十一年春取濟西

田不書月故知此月者以其是內之叛邑喜討得之故也是以彼註云以不月者與取運異知非內叛邑

故言取是也

夏秦伯之弟鍼出奔晉傳秦無大夫此何以書仕諸晉

也為仕之於晉書國鍼其國秦無大夫者正以文廉反國十二年秋秦伯使遂

來聘傳云秦無大夫此何以書賢繆公也何賢乎繆公以為能變然則秦處西戎罕接諸夏賢于繆公始

有大夫自爾以來常多格化春秋漏之曷為仕諸晉

無大夫名氏今得書見是以据而問之

**註**

据國地足以祿之有千乘之國

**註**

十井為一乘公

侯封方百里凡千乘伯四百九十乘子男二百五十

乘時秦侵伐自廣大故曰千乘

**註** ○千乘繩 **註** 公侯

○解云王制文連言侯者据有功者言之云伯四百

九十乘者正以王制云伯七十里故也云時秦侵伐

自廣大故曰千乘者正以此伯故也而不能容其母弟故君子謂之出

奔也 **註** 弟賢當任用之不肖當安處之乃仕之他國

與逐之無異故云爾

六月丁巳邾婁子華卒

晉荀吳帥師敗狄于大原傳此大鹵也曷為謂之大原

**說** 据讀言大原也

○大原音泰下同鹵力古反

**說** 晉荀至大原○解云案左氏作

大鹵字穀梁與此同○此大鹵至大原○解云案古史文及夷狄之人皆謂之大鹵而今經與師讀皆謂

之大原故難之○**說** 据讀言大原也 **地物從中國**  
○解云時公羊子亦讀言大原也

以中國形名言之所以曉中國教殊俗也 **說** 地物從中國○

解云言所以今經與師讀皆言大原者正以地與諸物之名皆須從諸夏名之故也○**說** 以中至言之○

解云謂諸夏之稱皆從地之形勢為名此地形勢高大而廣平故謂之大原云所以曉中國教殊俗也者

本史及夷狄皆謂之大鹵而今經與師讀必謂之邑大原者正以曉中國之人教有殊俗之義故也

人名從主人 **說** 邑人名自夷狄所名也不若地物有



形名可得正故從夷狄辭言之

**解**邑人名從主人之

狄也言大原人道云之時從其夷狄皆謂之大鹵故

註云邑人名自夷狄所名也○**解**不若至言之○**解**云諸夏地物有形名言之夷狄之俗不如諸夏之地

物有形勢之名也可得正者猶言可能正是故本吏

及邑人止從夷狄辭**原者何上平曰原下平曰隰**

言之謂之大鹵也

分別之者地勢各有所生原宜粟隰宜麥當教民所

宜因以制貢賦

**別**○隰音習**原者何**○**解**云春秋之

原鹵名異未有分別之言故以不知問之○上平曰

原○**解**云釋地云廣平曰原李氏云廣平謂土地寬

博而平正者名原然則此言上平者蓋欲對隰言之

與溼不

### 秋莒去疾自齊入于莒

莒展出奔吳主書去疾者重篡也莒無大夫書展者

起與去疾爭篡當國出奔言自齊者當坐有力也皆

不氏者當國也不從莒無大夫去氏者莒殺意恢稱

公子篡重不嫌本不當氏起呂反莒無至當氏

十七年傳文云當國出奔者正以襄三十一年冬莒人弑其君密州今言去疾之又入者出入惡之文而文不氏故知出時為當國也既是當國正合書入而言自齊者刺齊有力矣其出奔不書者春秋之義微者出入不兩書故也云皆不氏者當國也者正以隱元年鄭伯克段于鄆之下傳云何以不稱弟當國也

則此等下言公子者是當國之文註不從云云者下  
十四年冬莒殺莒公子意恢何氏云莒無大夫書殺  
公子者子未踰年而殺其君之子不孝尤甚故重錄  
之稱氏者明君之子也然則莒為小國大夫名氏例  
不錄見假有錄者名氏不具即莒慶之屬無氏是也  
今此去疾之徒寧知不爾疆云當國故不當氏者正  
以莒殺意恢重而錄氏今邪庶並篡其事非輕固宜  
重而錄之但欲當國為君故如其意使惡逆見也然  
則意恢事重故稱公子今亦篡重明其未貶  
之時亦合稱氏故云篡重不嫌本不當氏也

叔弓帥師疆運田疆運田者何與莒為竟也疆竟

也與莒是正竟界若言城中丘

○疆運居良反下同疆運田者何○

解云欲言正界而經書帥師欲言侵伐而道疆運故  
執不知問與莒為竟也○解云若言與莒人造作  
竟界○○若言城中丘○解云隱十年夏城中丘傳  
云何以書以重書也何氏云以功重故書當稍稍補

完之至今大崩弛壞敗然後發衆城之猥苦百姓空  
虛國家故言城明其功重與始作無與則彼若稍稍  
補完則輕而不書至於功重故書而刺之今此魯若  
往前之時少侵即正則輕而不書至於大損而興師  
發衆乃能正之明其功重與莒爲竟則曷爲帥師而  
與始取無異故若城中丘

往國据非侵伐畏莒也國畏莒有賊臣亂子而興師

與之正竟刺魯微弱失操煩擾百姓國姓國畏莒至百

三十一年莒人弑其君密州是爲賊臣而二子爭篡  
是爲亂子魯人見其賊亂恐其轉侵是以興兵與之  
正竟賊亂之人自救無暇焉能轉  
侵乎故云微弱失操煩擾百姓也

### 葬邾婁悼公

冬十有一月己酉楚子卷卒

○卷音權  
左氏作麋

國楚子卷卒○  
解云左氏作

麋字二小傳本  
亦有作麋字者

楚公子比出奔晉

**國** 辟內難也

**說**

正以無他事於君

薨之際而出奔故知  
止應辟內難故也

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復

**復** 其言至河乃復何

**說**

据公如晉

次于乾侯而還言至自乾侯不言至乾侯乃復

**說**

据

公至乃復○解云即下二十八年春公如晉  
次于乾侯二十九年春公至自乾侯是也

不敢進

也

**也**

乃難辭也時聞晉欲執之不敢往君子榮見與

恥見距故諱使若至河河水有難而反

○乃難如且反下有難同

**也**

**也**

乃難辭也○解云宣八年傳文云故諱使若至河河水有難而反者若如川之滿不可游也然

季孫宿如晉

三年春王正月丁未滕子泉卒

**也**

滕子泉卒○解云左氏穀梁作原字

夏叔弓如滕

五月葬滕成公

**也**

月者襄公上葬諸侯莫肯加禮獨滕

子來會葬故恩錄之明公當自行不當遣大夫失禮

尤重以責內

**也**

月者至錄之○解云卒月葬時者小國之常典下六年夏葬杞文公之

屬是也今而書月故以為恩錄之言襄公上葬者謂  
上文葬襄公時也言諸侯莫肯加禮獨滕子來會  
者即襄三十一年夏公薨于楚宮冬十月滕子來會  
葬癸酉葬我君襄公是也○**明公至責內**○解云  
公羊之義鄰國諸侯及鄰國夫人喪皆公至會葬故  
異義公羊說云襄公三十年叔弓如宋葬共姬譏公  
不自行是也然則凡平諸侯之葬公猶自行況  
其加禮於已者乎故言失禮尤重以責內也

### 秋小邾婁子來朝

### 八月大雩

**先是公季孫宿比如晉**

### 冬大雨雹

**為季氏**

○雨于付反雹步  
角反為于偽反

### 北燕伯款出奔齊

**名者所見世著治大平責小國詳**

錄出奔當誅

○治直吏  
反大音泰

**秋**

名者至當誅○解云春  
義有三世異辭入所

見之世小國出奔而書其名故知義然也即莊十年譚子奔莒僖五年弦子奔黃十年溫子奔衛成十二年周公出奔晉之屬皆不名至於此文北燕伯款下三十年冬徐子章禹出奔楚之屬皆書其名是也言出奔當誅者謂大平之世民皆有禮況於諸侯不死社稷而葉國出奔當合誅滅矣

四年春王正月大雨雪為季氏

偽反下文及註為齊誅並同  
**雪**大雨電○解云案正本皆作電字左氏經亦作電字故賈氏云穀梁

作大雨雪今此若有作雪字誤也

夏楚子蔡侯陳侯鄭伯許男徐子滕子頓子胡子沈子

小邾婁子宋世子佐淮夷會于申

不殊淮夷者楚子主會行義故君子不殊其類所以順楚而病中國



不殊至中國○解云內諸夏外夷狄者春秋之  
常典而不殊淮夷者正以此會楚子為主會行義  
其行義者即下文為齊誅是也故君子不殊其類者  
君子謂孔子孔子作春秋不殊楚之類孔子之意所  
以然者正欲順楚之事而病諸夏之衰微何者言楚  
夷狄尚能行義以相榮顯況於諸夏反不能然故得  
病之若然春秋之式傳聞之世內其國外諸夏所聞  
之世內諸夏外夷狄所見之世治致大平錄夷狄則  
不殊淮夷固其宜也何得此註云由楚子主會行義  
君子不殊其類者正以等是太平亦有麤細昭當其  
父非已時事定哀之世乃醇粹也是以定六年仲孫  
忌之下何氏云春秋定哀之間文致大平故見王者  
治定無所復為譏唯有二名故譏之是也然則淮夷  
始見安行無禮是以此經更無進稱未當定哀之間  
仍合外限但由楚子主會故得  
不殊是以何氏更為立義矣

# 楚子執徐子

公三  
秋七月楚子蔡侯陳侯許男頓子胡子沈子淮夷伐吳

執齊慶封殺之國此伐吳也其言執齊慶封何為齊

誅也國故繫之齊其為齊誅奈何慶封走之吳國以

襄公二十八年奔魯自是走之吳不書者以絕于齊

魯不復為大夫賤故不復錄之國○不復扶國以

至奔魯國○解云即彼云國吳封之於防國不書入防者

冬齊慶封來奔是也國使防繫吳嫌犯吳也去吳嫌齊邑也國○去起國不

邑也○解云案如此經上言伐吳則犯吳之文已著

何得註云使防繫吳嫌犯吳也正以慶封往前已封

于防為小國矣但諸侯之義不得專封是以春秋奪

言伐吳矣實言之非伐吳矣今日此經若言入防則

更成上伐吳之文實伐吳則為犯吳若直言入防執齊慶封殺之則恐防是齊邑是以進退不得作文也

然則曷為不言伐防防据防已為國不與諸侯專封

也國故奪言伐吳慶封之罪何曾齊君而亂齊國也

道為齊誅意也稱侯而執者伯討也月者善義兵

稱侯至討也○解云僖四年傳文上下更無稱爵以執大夫之事唯此一經可以當之故何氏言

焉若然案如此經不重出楚子以為伯討之義僖二十一年秋宋公楚子陳侯以下會于霍執宋公以伐

宋傳云曷為不言楚子執之不與夷狄之執中國者正以此經楚子為會主而序于上下言執慶封殺之

可以因上文不勞重出也既得因上文即是稱爵以執之故知為伯討案霍之經宋公序上乃次楚子下

言執宋公明知不得因上文矣既不因上文而不更出楚子不與夷狄之執諸夏故也云月者善義兵也

卷之三十一 及古蜀

者正以侵伐  
例時故也

**遂滅厲**

**莊**

王滅蕭日此不日者靈王非賢責之畧

滅○

厲如字又音  
賴左氏作賴

**遂滅厲**

○解云有作賴字者○

莊  
王至之畧○解云宣十二年冬十有

二月戊寅楚子滅蕭彼註云日者屬上有王言今反  
滅人故深責之是也然則以靈王非賢故責之畧還

依常例書月若似莊十年  
冬十月齊師滅譚之屬是

**九月取鄆**

**其言取之何**

**據國言滅**

**何內大惡諱也**

**何**

○解云即滅

譚滅遂之  
屬是也

滅之也滅之則其言取之何內大惡諱也

**因鄆**

上有滅文故使若取內邑

**何**

○解云隱二年無

駭入極之下傳云此滅也其言入何內大惡諱也今  
又重發之者正以入取之文不同故也○**因鄆**至

內邑○解云直言取郟言上有滅文者即襄六年秋  
莒人滅郟是也內取邑直言取者上元年三月取運  
之屬是也言上有滅郟之文郟不復為國因此之故  
遂直言取若似內自取邑然則襄六年之時郟已見  
滅今而言取者彼直取後乎莒非兵滅是以魯人今  
得取之以此言之則無駭入極不言取者正以極上  
無滅文  
故也

冬十有二月乙卯叔孫豹卒

五年春王正月舍中軍團舍中軍者何復古也司善復

古也○舍中音捨舍中軍○解云襄十一年時於

助司馬為軍將添前司徒司空之屬為三軍踰王制

故於彼經云作三軍以譏之今還依古禮舍司馬不

復令作將軍故曰舍中軍○舍中軍者何解云欲  
言非禮實如王制欲言是禮不應復書之故執不知

問○復古也○解云正以魯為州故正舍二軍今舍  
 僭從禮故曰復古是以隱五年註云方伯二師是也  
 ○**善復古也**○解云言舍僭從禮正是常事而書  
 之者正以當時皆僭獨自能抑從禮善其復古是以  
 書之故云**然則曷為不言三卿****據上言作三軍等**  
 善復古也

問不言軍云卿者上師解言三卿因以為難○為難乃旦反

下同**據上言作三軍**○解云弟子之意見上文襄  
 十一年時云道作三軍今日舍之應言舍三軍

而言舍中軍與上文異故難之○**等問至為難**○

解云襄十一年傳云三軍者何三卿也然則今於此

問何故不云曷為不言舍三軍而言卿者正以上文

襄十一年時師解以為三軍者何三卿也是以弟子

因而難之云曷**五亦有中三亦有中****此乃解上作**

為不言舍三卿

三軍時意作時益中軍不可言中軍者五亦有中三

亦有中不知何中也今此據上作三軍不言中則益  
三之中舍三之中皆可知也弟子本據上言作三難  
下中不言三也如師解言本益中故不言舍中為其  
將復據下中難上不言中故解上以解下如此則下  
不言三亦可知也不言卿者欲同上下文以相起傳  
不足以解之者以上解下文當同亦可知月者善錄

之○為于偽反復扶又反益亦至有中○解云襄十一年時

而不言作中軍者正以五亦有中三亦有中若言作  
中軍嫌是五之中故變言作三軍若欲實而言之正  
是作中軍故至舍時云道中軍矣○此乃至三也  
○解云上謂襄十一年時也云作時益中軍者謂於

司馬之下置中卿令助司馬將軍添前二軍為三軍  
 故曰作時益中軍也云今此據上作三軍不言中云  
 三者今此公羊子據上作三軍時不言中之意故言  
 五亦有中三亦有中也如此則上益三之中下舍三  
 之中皆可知矣何者上言作三軍下言舍中軍則非  
 五之中亦明矣云弟子本據上言作三難下中不言  
 三也者即此傳云然則曷為不言舍三卿是也○  
 如師至可知也○解云如詰為若若公羊答之云本  
 益三之中故言舍中即恐弟子難之云今舍時言中  
 軍作時曷為不言作中軍若其如此即是守文不察  
 疑惑門人非師訓之道故公羊子解上以解下何者  
 解上作時實是中軍但有嫌疑不得言中遂變言三  
 軍即是解此下文舍中軍不得言三之意故云解上  
 以解下如此言之即下文不言三軍昭然可解故云  
 亦可知云不言卿者欲同上下文以相起者正實而  
 言之正是舍去司馬之職中卿之官何以不言舍中  
 卿而言舍中軍者正以襄十一年時云作三軍故欲  
 同其文相起為一物○傳不至錄之○解云傳若



足解之宜云前此作三軍之時不言中者五亦有中  
三亦有中此舍三軍不言三者正以前三非正稱故  
舍時不得言三今此傳文少故言傳不足解之也欲  
以上解下者以作時文在上故傳特解之上文既解  
訖下文不言三之意當同上義亦可知云  
月者善錄之者謂善其復古而詳錄之也

### 楚殺其大夫屈申

### 公如晉

夏莒牟夷以牟婁及防茲來奔  
莒牟夷者何莒大夫  
也莒無大夫此何以書重地也其言及防茲來奔何

**○** 據漆間丘不言及高張言及

**○** 莒牟夷者何○解云欲言莒君經不

言予欲言大夫莒無大夫故執不知問○**○** 據漆間  
言及○解云言漆間丘不言及者即襄二十一年春

邾婁庶其以漆閭丘來奔是也高張言及者即哀六年夏齊國夏及高張來奔是也正以地邑無及文上下大夫乃言及與此防茲之義違故難之何者人之尊卑自有差等故可以言及地邑無尊卑之義恐其不得言

不以私邑累公邑也

**公邑**君邑也私邑臣及也

邑也累次也義不可使臣邑與君邑相次序故言及以絕之

秋七月公至自晉

戊辰叔弓帥師敗莒師于濇泉

濇泉者何涌泉也

**濇**蓋戰而涌為與也不傳與者外與

不書此象公在晉臣下專受莒叛臣地以興兵戰鬪

百姓悲怨歎息氣逆之所致故因以著戰處欲明天

之與人相報應之義

○瀆泉扶粉反瀆泉涌泉也左氏作蚡泉穀梁作瀆泉處昌慮

反應應

于瀆泉○解云左氏作蚡字穀梁作瀆泉對之應

字

○瀆泉者何○解云欲言地名以泉名

之欲言是水戰於其處故執不知問○直泉也○解

云謂此泉直上而出○直泉者何○解云欲言涌地

不應言直欲言土地仍謂之泉故執不知問○蓋

戰而涌為異也○解云穀洛鬪之事也○不傳

至戰鬪○解云春秋之義外與不書即襄十九年不

書漸移之屬是今此瀆泉為異故不錄經既不錄傳

無由發之經若書之傳宜云何以書為天下記異似

若僖十四年沙鹿崩之傳矣云此象公在晉云云者

公在晉者即上春公如晉是也臣下專受莒叛臣地

者即經書夏莒牟夷以下云云來奔在秋七月公至

自晉之上是也以興兵戰鬪者即此戰敗于瀆泉是

正以敗者內戰之文故也○百姓至所致○解云

上註云外與今此云魯人悲怨致之者正以濟泉在莒魯界上二國結怨方戰於此應而為異何以不然

○故因至之義○  
解云疏具僖五年

秦伯卒何以不名  
據諸侯名秦者夷也匿嫡之名

也嫡子生以不名令于四竟擇勇猛者而立之  
嫡

之丁歷反嫡子至立之○解云即內則云夫告  
註及下同宰各宰辨告諸男名書曰某年某月某

日某生而藏之宰告閭史書為二其一藏諸閭府其  
一獻諸州史州史獻諸州伯州伯命藏諸州府是其

以名令於四竟之義也其擇勇猛者而  
立之者正以夷狄之人不尚文德故也其名何  
據

秦伯嬰稻名  
春秦伯罃卒宣四年春秦伯稻卒是

也然則文十八年經作罃字今此嬰字者誤也能知  
非彼誤者正以文十八年秦伯罃卒之下賈氏云穀

梁傳云秦伯偃不道公羊曰嬰知公羊與左氏同皆作嬰字矣註獨嬰稻以嫡得立之者嬰字亦誤宜爲

瑩字

嫡得之也

獨

獨嬰稻以嫡得立之

冬楚子蔡侯陳侯許男頓子沈子徐人越人伐吳

吳

未服慶封之罪故也越稱人者俱助義兵意進子淮夷故加人以進之義兵不月者進越爲義兵明故省

文

越

稱至省文

○解

云卽上四年秋七月楚子

蔡侯

陳侯許男頓子胡子沈子淮夷伐吳彼註

云月者善義兵然則上文淮夷雖助義兵其義不進

故不稱淮人今稱人故以進解之云義兵不月者進

越爲義兵明故省文者正以侵伐例時義兵則詳錄

故上四年秋七月楚子以下伐吳註云月者善錄義

兵是也今此亦爲義兵

而不書月故如此解

六年春王正月杞伯益姑卒 **詔**不日者行微弱故畧之

上城杞已貶復卒畧之者人所見世責小國詳始錄

內行也諸侯內行小失不可勝書故於終畧責之見

其義 **○**復扶又反內行下孟反 **詔**不日至畧之 **○**  
下同勝音升見其賢遍反 **詔**解云正以襄二十

三年春三月己巳杞伯句卒彼已書日今而書月故  
解之 **○** **詔**上城至其義 **○**解云上城已貶者謂襄二

十九年夏仲孫羯會晉荀盈齊高止宋華定以下城  
杞杞子來盟註云貶稱子者微弱不能自城危社稷

宗廟當坐是也律云一人有數罪則以重者坐之然  
則亦不再加而卒復畧之者正以此是入所見之世

責小國詳始錄其內行故也諸侯內行小失寧可備  
盡但當卒時畧之而已言不可勝書者言小行非一

不可勝負不可具書猶如序云不可勝記之類也何  
氏必此解者正以往前經傳不見杞伯之惡而經畧

之知內行  
有失也

葬秦景公

夏季孫宿如晉

葬杞文公

宋華合比出奔衛

○比如字  
又毗志反

秋九月大雩

**圖**

先是季孫宿如晉是後叔弓與公比如

楚有豫賦之煩也

○賦斂力驗  
反或無此字

**圖**

先是至之煩也

言先是季孫宿如晉即上文下季孫宿如晉是也言  
是後叔弓與公比如楚者即下文冬叔弓如楚七年

三月公如楚故謂之比也二年事皆在後故云  
有豫賦之煩也亦有一本云叔弓如齊者誤

楚薳頗帥師伐吳

楚薳頗○解云左氏穀梁作薳罷字

冬叔弓如楚

楚

齊侯伐北燕

七年春王正月暨齊平

暨書者善錄內也不出主名者

君相與平國中皆安故以舉國體言之月者刺內暨

暨也時魯方結婚于吳外慕強楚故不及汲于齊

其器書者善錄內也○解云正以平為善事今反而書之故云善錄內也○月者至暨也○

解云正以定十一年冬及鄭平則知例書時也今此書月故如此解也懸元年傳云及猶汲汲暨猶暨暨

也及我欲之暨不獲已然則暨暨是不獲已然後為之平是善事而不及汲故書月以刺之故云月者刺



內暨魯矣○時魯至于齊○解云下十年冬註云去冬者蓋昭公娶吳孟子之年故貶之然則十年不書冬者是其方結婚于吳之事其外慕強楚者即上文叔弓如楚下文公如楚之屬是也正以文不言及故云不汲汲于齊矣

### 三月公如楚

### 叔孫舍如齊益盟

○叔孫舍二傳作媯

### 夏四月甲辰朔日有食之

○是後楚滅陳蔡楚弑其君

### 虔于乾谿

○是後楚滅陳蔡○解云即八年冬十月壬午楚師滅陳是也及下十一年十

有一月丁酉楚師滅蔡是也云楚弑其君于乾谿者即下十三年夏四月楚公子比自晉歸于楚弑其君

于乾谿是也

秩八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公○當時而日者世子輒有惡

疾不早廢之臨死乃命臣下廢之自下廢上鮮不為

亂故危錄之

○當丁浪反又  
如字鮮息濼反  
○當時至錄之○解

而日危不得葬也今此衛侯八月卒至此正五月而  
經書癸亥故言危錄之言世乎輒有惡疾者即下三  
十年秋盜殺衛侯之兄輒傳云母兄稱兄况何以不  
立有惡疾也是矣知其不早廢臨死乃命臣下廢之  
者正以危錄其葬故也其若不然更無危事不知衛  
侯葬何以書日乎言危錄之者以其有危故錄其日

也

八年春陳侯之弟招殺陳世子偃師說在元年變其

言陳者起招致楚滅陳自此始故重舉國○故重直

同○說在元年○解云即元年傳云大夫相殺稱

爾詞曷為與親弑者同君親無將將自是弑君也今將

也○變其至舉國○解云春秋之義大夫相殺稱

人言其即莊二十二年春陳人殺其公子禦寇下陳

人殺其大夫公子過文九年晉人殺其大夫先都之

屬今變兩下之例言殺陳世子者起

招致楚滅陳自此始是以重舉陳矣

夏四月辛丑陳侯溺卒○溺乃

叔弓如晉狄反

叔弓如晉

夏四月辛丑陳侯溺卒

楚人執陳行人于徵師殺之

陳公子畱出奔鄭

秋蒐于紅傳蒐者何簡車徒也

徒衆

○蒐所苗反本亦作廋

蒐者何○解云正以常事不書今此見經故執不知問

何以書蓋以罕書也

說在桓六年

○說在桓六年○解云桓六年秋八月壬午大閱傳云大閱者何簡車徒

也何以書蓋以罕書也註云罕希也孔子曰以不教民戰是謂棄之故此年簡徒謂之蒐三年簡車謂之大閱五年大簡車徒謂之大蒐存不忘亡安不忘危不地者常地也蒐例時此比者桓既無文德又忽忘武備故尤危錄然則為蒐之法比年作之今此不然故云以罕書

陳人殺其大夫公子過

○過音戈

大雩

○

先是公如楚半年乃歸費多賦重所致

○費芳味反

疏

○

先至乃歸○解云即去年三月公如楚九月公至自楚是也

冬十月壬午楚師滅陳執陳公子招放之于越殺陳孔

瑗

○

殺陳孔瑗○解云左傳穀梁作與

葬陳哀公

○

日者疾詐諉滅人也不舉滅為重複書三

事言執者疾諉託義故列見之託義不先書者本懷

滅心重舉陳者上已言滅不復重舉無以明

○諉況元反復

書扶又反下

○

口者至人也○解云春秋之義滅同見賢徧反例書月即莊十年冬十月齊師滅譚

十三年夏六月齊人滅遂之屬是也上四年秋七月楚子滅厲之下註云莊王滅蕭日此不日者靈王非

賢責之畧是以還依常例書月矣今而日者疾詐諉滅人故也○**不舉至見之**○解云春秋之義舉滅君者舉國滅為重是也今不舉滅為重故須辨之言復書三事言執者謂復書三事又言執者以疾其詐諉託義故須列而見之○三事放招殺瑗葬哀公是○**託義至滅心**○解云宣十一年冬十月楚人殺陳夏徵舒丁亥楚子入陳然則彼乃楚子行義先書其殺今此楚子亦是託義討賊書在滅後者見本懷滅心故也○**重舉至以明**○解云成二年秋七月齊侯使國佐如師已酉及國佐盟于袁婁不重舉齊此重舉陳者上已言楚師滅陳若不復舉陳無以明其是陳人矣

九年春叔弓會楚子于陳

**陳已滅復見者從地名錄**

猶宋郟以邑錄不舉小地者顧後當存

○復見扶又反下同下賢

徧前陳已至當存○解云郟者是文王之子春秋  
反前宋人滅之至隱十年夏六月壬戌公敗宋師  
于菅辛未取郟辛巳取防是也云不舉小地顧後當  
存者言陳是總號當是會時未必在其國都所以不  
舉小地而舉陳者正以楚人暴滅春秋欲閱陳而存  
之故還舉其大號而言也其存陳者卽下經夏四月  
陳火  
是也

### 許遷于夷

### 夏四月陳火

**傳**陳已滅矣其言陳火何

**傳**据災異為有

國者戒

○陳火左  
氏作災

**傳**陳火○解云左氏作災字穀梁

氏作災與此同○陳已至火何○解云

所以不言外災不書此何以書之義者正以解  
言存陳故書其火則外災得書之義亦見矣

**存陳**

也

**傳**陳已滅復火者死灰復燃之象也此大意欲存

之故從有國記災

**國**陳已至記災○解云即考與郵不陳火之類未當誅絕天曉

其君死灰更

**曰存陳悌矣**

**書**火存陳者若曰陳為

天所存悲之

○悌音希悲也

**國**曰存陳悌矣○解云悌謂悲也公羊子曰陳為天所存者

天悲痛

**曷為存陳**

**國**

據災非一天意曷為悲陳而存

之故也

**國**據災至存之

○解云弟子之意以為春秋之內書災者非止一處而已矣意曷為正於此災

之上悲陳

**滅人之國執人之罪人**

**國**

罪人招也殺人

而存之乎

**之賊**孔瑗弑君賊也葬人之君若是則陳存悌矣

**國**楚為無道託討賊行義陳臣子辟門虛心待之而

滅其國若是則天存之者悲之也不書孔瑗弑君者



本為招弑當舉招為重方不與楚討賊故沒招正賊

文以將與上貶起之月者閔之

○辟婢亦反開也本為于偽反

不

書至閔之○解云案如上文則孔瑗與招本謀弑君而責是弑文者正以君親無將將而必誅故言當舉招為重言故沒招正賊文者謂不於討處貶招見其有弑君之罪矣言以將與上貶起之者上貶謂元年稱公子傳云此陳侯之弟招何以不稱弟貶是也云月者閔之者正以外災例時即襄元年春宋火之屬是今而書月故言閔之

秋仲孫纘如齊

○纘具縛反又居碧反

冬築郎囿

○囿音又

十年春王正月

夏晉欒施來奔

○晉欒施左氏作齊欒施

秋七月季孫隱如叔弓仲孫矍帥師伐莒

○隱如左氏作意如

戊子晉侯彪卒

○彪彼虬反

九月叔孫舍如晉

葬晉平公

十有二月甲子宋公戌卒

○去冬者蓋昭公取吳孟子

之年故貶之

○宋戌註左傳者音成何云向戌與治同名則宜音恤去起呂反

○去

冬至貶之○解云正以禮記論語皆有昭公取于吳謂之吳孟子之文但不指其取之年歲今無冬更無佗罪可指是以何氏以意當之以無正文故言蓋也取吳孟子所以不書者諱取同姓故也賈服以為刺

不登臺視氣范氏以  
爲不書冬甯所未詳

十有一年春王正月叔弓如宋

葬宋平公

夏四月丁巳楚子虔誘蔡侯般殺之于申○楚子虔何

以名○据誘戎曼子不名○戎曼○据誘至不名

六年春楚子誘戎曼子殺之是也○絕曷爲絕之○据俱誘之爲其誘

討也○使不自知而死故加誘○爲于○加誘○使不至

云卽左氏傳云○醉而殺之是也○此討賊也○蔡侯般弑父而立○蔡

侯至而立○解云卽襄三十年夏○雖誘之則曷爲絕○四月蔡世子般弑其君固是也

之節據與莊王外討晉文譎尊○譎古允反○譎尊○解

云莊王外討者即宣十一年冬十月楚人殺陳夏徵舒傳云此楚子也其稱人何貶曷為貶不與外討也

曷為不與實與而文不與文曷為不與諸侯之義不得專討也諸侯之義不得專討則其曰實與之向上

無天子下無方伯天下諸侯有為無道者臣弑君子殺父力能討之則討之可也者是其實與莊王外討

之文也云晉文譎尊者即僖二十八年五月癸丑公會晉侯以下盟于踐上公朝于王所傳云曷為不言

公如京師天子在是也曷為不言天子在是不與致天子也註云時晉文公年老恐霸功不成故上曰天

子曰諸侯不可卒致願王居踐土下謂諸侯曰天子在是不可不朝迫使正君臣明王法雖非正起時可

與故書朝因正其義所懷惡而討不義君子不予也以見文公之功是也

**內懷利國之心而外託討賊故不與其討賊而責**

**懷惡而討不義君子不予也**

**內懷利國之心而外託討賊故不與其討賊而責**

**懷惡而討不義君子不予也**

**內懷利國之心而外託討賊故不與其討賊而責**

**懷惡而討不義君子不予也**

**內懷利國之心而外託討賊故不與其討賊而責**

**懷惡而討不義君子不予也**

**內懷利國之心而外託討賊故不與其討賊而責**

其誘詐也地者起以好會誘之

○好呼報反

**說文**地者至誘之○解

云正以昭十六年楚子誘戎曼子殺之不書地今言于申故解之

楚公子棄疾帥師圍蔡

五月甲申夫人歸氏薨

大蒐于比蒲 **傳**大蒐者何簡車徒也何以書蓋以罕書

也 **說**在桓六年

○比大蒐者何○解云欲言常音毗事而經加大欲言非常事

蒐是常獵之名故執不知問○**傳**說在桓六年○解云即桓六年秋八月壬午大閱傳云大閱者何簡車

徒何以書蓋以罕書也註云罕希也孔子曰以不教民戰是謂棄之故比年簡徒謂之蒐三年簡車謂之

大閱五年大簡車徒謂之大蒐存不忘亡安不亡危然則大蒐之法五年一為今此不然故曰以罕書也

上八年蒐于紅之下何氏云說在桓六年今復指之者正以蒐與大蒐希數實異禮亦不同是以不得相因各指其所

仲孫矍會邾婁子盟于侵羊國不日者蓋諱喪盟使若

議結善事

傳作侵羊盟于侵羊國○解云穀梁傳作

無侵字皆是所見異也傳作侵祥○解云至善事○解云上  
文五月夫人歸氏薨若居喪居喪而與人盟至十三  
年秋平丘之會邾婁子與晉為議不容公盟而執季  
孫理宜書日見其不信而不書日者正以身居大喪  
而不以為憂是內惡可諱之限故為信  
辭使若此盟方欲議論結其善事然

秋季孫隱如會晉韓起齊國酌宋華亥衛北宮佗鄭軒

虎曹人杞人于屈銀

○作大河反屈銀並  
如字二傳作厥愁  
齊國酌者賈氏

作酌字與此同服氏及穀梁皆作齊國弱字也○于屈銀○解云左氏穀梁作厥愁字

九月己亥葬我小君齊歸傳齊歸者何昭公之母也傳

歸氏胡女襄公嫡夫人

歷反嫡丁傳齊歸者何○解云欲言夫人初至不

錄欲言其妾薨葬具書故執不知問○傳歸氏至夫人○解云皆史記文而初至不書者蓋為世子時娶之然則沙隨之會襄公始生而成公之世已娶夫人者案公羊上下竟無幼少之文則何氏不信左氏故也其直景

冬十有一月丁酉楚師滅蔡執蔡世子有以歸用之傳

此未踰年之君也其稱世子何傳据陳子也傳据陳子

也○解云即僖二十八年冬公會晉侯齊侯宋公蔡侯鄭伯陳子以下于溫是也 不君靈公

不成其子也

**註**

靈公即般也不君不與靈公坐弑父

誅不得為君也不成其子不成有得稱子繼父也上

不與楚誘討嫌有不當絕故正之云耳

**疏**

不君至子也○解云

靈公弑父而立弑父之人人倫所不容今而見誅正是其宜是以春秋不與靈公為君也故曰不君靈公也莊三十二年傳云君存稱世子君薨稱子某既葬稱子踰年稱公然則稱子者嗣君之稱春秋之義既不與靈公得為成君故亦不成其子有得為嗣君以繼其父故曰不成其子也云靈公坐弑父誅者即襄三十年夏四月蔡世子般弑其君固上四月楚子虔誘蔡侯般殺之于申是也云上不與楚誘討者即上傳云曷為絕之為其誘討也此討賊也雖誘之則曷為絕之懷惡而討不義故君子不與是

靈公則曷為不成其子

**註**

據惡惡止其身誅君之子



不立

**國**

雖不與楚誘討其惡坐弑父誅當以誅君論

之故云爾言執者時楚託義滅之

**師**

○解云當以至云爾若不君

靈公而以誅君論之何故上四年申之會及伐吳之經上文楚子誘殺之時皆稱其爵者凡貶刺之例正可於一事之上足見其惡而已寧可文文皆貶似若莊四年冬公及齊人狩于郟傳云前此者有事矣後此者有事矣則曷為獨於此譏擇其重者而譏焉莫重乎其與讐狩也其餘從同是也○言執至滅之○解云春秋之義舉滅國以為重其餘輕者皆從畧是以襄六年註云不書殺萊君者舉滅國為重是今并書其執者正以楚人託義滅之故見其義也似若上八年註云不舉滅為重復書三事言執者疾諛託義故列見之是也楚既託義執用蔡之世子以滅其國當先書其餘似若宣十一年冬十月楚人殺陳夏徵舒丁亥楚子入陳然今乃先書滅蔡者起其本懷滅心故也是以八年註云託義不先書者本懷滅心

故是也 **非怒也無繼也** **父誅子當絕** **非怒也無繼也** ○解云莊

四年傳云今紀無罪此非怒與何氏云怒遷怒齊人語此非怒其先祖遷之于子孫與然則齊人謂遷怒

為怒也言今不成有為子者非由惡其父遷怒其子孫但由靈公大逆理無繼嗣矣是以註父誅子當絕

也其非字有作悲字者誤也 **惡乎用之防也其用之防奈何**

**蓋以築防也** **持其足以頭築防惡不以道孔子曰**

**人而不仁疾之已甚亂也日者疾諉滅人** ○惡平音烏惡不烏

路 **日者疾諉滅人** ○解云正以凡滅例月即莊

反 **十年冬十月齊師滅** 上四年秋七月遂滅厲

**十有二月春齊高偃帥師納北燕伯于陽** **伯于陽者**

之屬是也今而書日者疾詐諉故也

**何謂**

即納上伯款非犯父命不當言于陽又微國出

入不兩書伯不當再出故斷三字問之

○斷丁管友又丁亂反

**疏**

即納至問之○解云納上伯款者即上三年冬北燕伯款出奔齊是也其犯父命而見納言于邑

者即哀二年夏晉趙鞅帥師納衛世子蒯瞶于戚傳云戚者何衛之邑也曷為不言入于衛父有子子不得有父也註云明其父得有子而廢之子不得有父之所有故奪其國文正其義也者是也然則今此納北燕伯于陽若是納上伯款即非犯父之命者正以出奔稱伯不似蒯瞶稱世子故也是以何氏於款之上連伯言之見非犯父之命云又微國出入不兩書者僖二十五年秋楚人圍陳納頓子于頓何以不言遂兩之也註云頓子出奔不書者小國例也是也

**公子陽生也子曰我乃知**

**之矣**

子謂孔子乃乃是歲也時孔子年二十三具

卷

卷三十一 二十七

及古閣

知其事後作春秋案史記知公誤為伯子誤為于陽

在生刊滅闕○刊古在側者曰子苟知之何以不革

曰如爾所不知何○刊古如猶奈也猶曰奈女所不知何

寧可強更之乎此夫子欲為後人法不欲令人妄億

錯子絕四母意母必毋固毋我○女音汝強其丈反

億於力反錯七故反○如猶至億錯○解云孔子

或七各反字或作措○云當是歲時我已年立具見

其事奈汝在側之徒不見之何故曰奈汝所不知何

也孔子雖知伯于陽者是公于陽生但在側之徒皆  
不委曲若改之謂已苟出心肺故曰寧可彊更之乎  
莊七年星隕如雨之下傳云不修春秋曰雨星不及  
地尺而復君子修之曰星實如雨何氏云明其狀似  
雨耳不當言雨星不言尺者實則為異不以尺寸錄

之然孔子修春秋大有改之處而特此文不改之者  
欲示後人重其舊事似劉公即君與為不上禮之類  
也故曰夫子欲為後人法不欲人妄億措也億措者  
億謂有所擬度措者置也置意於言也不欲令人妄  
擬度不欲令人妄置意於言矣若擬度而中之者無  
傷即柴也其來乎由也其死矣之類是也若億措而  
妄者正得學者不思之義也則學而不思則罔之類  
是也云子絕四者備於鄭註引之者欲道無事億措  
乃孔子所絕是以修春秋而有其義矣

**春秋之信史也其序則齊桓晉**

**文**唯齊桓晉文會能以德優劣國大小相次序

唯齊至次序○解云謂其盛時事也及其衰未亦  
不醇粹是以僖十三年鹹之會許男序于曹伯之上  
而何氏於僖四年許男新臣卒葬許穆公之下註云  
得卒葬於所傳聞世者許大小次曹故卒少在曹後  
者是鹹之會當桓末年許其會則主會者為之也  
在曹上非其次序之事也

非齊桓晉文則知主會者為之雖優劣大小相越不

改更信史也其詞則丘有罪焉爾註丘孔子名其貶

絕譏刺之辭有所失者是丘之罪聖人德盛尚謙故

自名爾主書者惡納篡也不書所篡出奔者微國雖

未踰年君猶不錄不足陽下言于北燕者史文也比

燕本在上從史文也○惡納烏路反其貶至之罪○解

作春秋一萬八千字九月而書成以授游夏之徒游

夏之徒不能改一字是也去主書者惡納篡也者正

以春秋之義立納入皆為篡辭且上有伯款出奔齊

之文知今納宜是篡人也○不書至不錄○解云

正以上三年之末伯款出奔遙歷十許年計應有君

矣陽生篡之宜書其出今不書者微國之君被篡而

出走者皆畧而不書之假令非被篡但是微國未踰  
年之君卒猶不書況乎被篡出奔寧不畧之乎何氏  
所以必將未踰年君約之者正以所見之世微國成  
君之出例皆錄之故也即伯款之徒是也○國不定  
至史文也○解云若足其文宜云齊高偃帥師納北  
燕公子陽生于北燕今陽生之下不言北燕者正以  
史之本文陽生之上有北燕  
之字因而從之不及改順文

三月壬申鄭伯嘉卒

夏宋公使華定來聘

公如晉至河乃復

五月葬鄭簡公

楚殺其大夫成然

○成然左氏作成  
熊穀梁作成虔字

秋七月

冬十月公子整出奔齊

○整之領反或作憇魚覲反

楚子伐徐

晉伐鮮虞

謂之晉者中國以無義故為夷狄所強今

楚行詐滅陳蔡諸夏懼然去而與晉會于屈銀不因

以大綏諸侯先之以博愛而先伐同姓從親親起欲

以立威行霸故狄之

謂之至狄之○解云諸夏

夷狄之號故須解之言中國無義故為夷狄所彊者

即襄七年鄭伯髡原之下傳云曷為不言其大夫弑之為中國諱也曷為為中國諱鄭伯將會諸侯于鄆其大夫諫曰中國不足歸也則不若與楚鄭伯不可



其大夫曰以中國為義即伐我喪以中國為強則不  
若楚於是弑之何氏云禍由中國無義故深諱使若  
自卒之屬是中國無義之文也言遂為夷狄所疆也  
者即四年夏楚子以下會于申執齊慶封殺之屬  
是也云今楚行詐滅陳蔡者即昭八年滅陳十一年  
滅蔡是也今楚行詐者即托義討招瑗托義討蔡般  
是也言諸夏懼然去而與晉會于屈銀者即上十一  
年秋季孫隱如會晉韓起以下于屈銀是也言先伐  
同姓者正以鮮  
虞姬姓故也

諸暨圖書館  
ZHUJI LIBRARY

春秋公羊註疏昭公卷第二十三

起十三年 盡二十二年

漢何休學

十有三年春叔弓帥師圍費

○費音祕

夏四月楚公子比自晉歸于楚弑其君虔于乾谿

弑其君其言歸何

○據齊陽生入惡不言歸

○谿苦兮反

此弑至歸何○解云正以歸者出入無惡之文今君弑而言歸故難之○

○據齊至言歸○解云即哀六年秋七月齊陽生入于齊是也其陽生入惡者先詐致諸大夫立於陳乞之家自是往弑舍是也

歸無惡於弑立也歸無惡於弑立者何靈王為無道

作乾谿之臺三年不成楚公子棄疾脅比而立之然

後令于乾谿之役曰比已立矣後歸者不得復其田

里衆罷而去之靈王經而死時棄疾詐告比得晉

力可以歸至而脅立之比之義宜效死不立而立君

因自經故加弑也言歸者謂其本無弑君而立之意

加弑責之爾不日者惡靈王無道封內地者起禍所

由因以為戒○罷音皮惡靈烏路反  
歸無至立也○解云弑

者正於弑虔之時比無惡○歸無至者何○解云正

据經書弑其君虔曷為言無惡故問之○靈王經而

死○解云經者為懸縊而死也若申生雉經及論語  
云豈若匹夫匹婦之為諒也自經於溝瀆者是也故  
何氏云君因自經○時棄至為戒○解云正以經  
書自晉故得為有力之義故如此解○云比之義宜

效死不立者下傳文云言歸者明其本無弑君而立之意加弑責之爾者桓十五年傳曰歸者出入無惡故云本無弑君而立之意言加弑責之者謂責其不效死而立矣云不日者惡靈王無道者正以宣二年秋七月乙丑晉趙盾弑其君人狎四年夏六月乙酉鄭公子歸生弑其君夷則春秋之義不問加弑與否則皆書日今而不日故解之云封內地者起禍所由因爲戒者正以下二十五年宋公佐卒于曲棘傳云曲棘者何宋之邑諸侯卒其封內不地此何以地憂內也註云時宋公聞昭公見逐欲憂納之至曲棘而卒故恩錄之然則諸侯卒其封內例不地今此靈王見弑乾谿之由是以書地以起之故曰起禍所由因爲也

楚公子棄疾弑公子比

傳

比已立矣其稱公子何

傳

據

齊公子商人弑其君舍

傳

據齊至君舍○解云在文十四年九月彼傳云此

未踰年之君也其言弑其君舍何已立之已殺之成  
 死者而賤生者也註云惡商人懷詐無道故成舍之  
 君號以賤商人之所為然則彼未踰年君而見弑稱  
 成君今此亦為未踰年君見弑稱公子故據而難之  
 所以不據僖九年晉里克殺其君之子奚齊者正以  
 取成君之號以難公子義強于君之子之文故也

**其意不當也**

**據上傳知其脅**

**據上至其脅**  
 解云即上傳云楚

公子棄疾脅比而立之是也

**其意不當則曷為加弑焉爾**

**據王**

子朝不貶

○朝如字  
 據王子朝不貶  
 ○解云即二十三年秋尹氏立王子朝註云貶言

尹氏者著世卿之權尹氏貶子朝不貶者年未滿十  
 歲未知欲富貴不當坐明罪在尹氏然則子朝之意  
 與此相似子朝不貶  
**比之義宜乎效死不立大夫相**  
 而比加弑故難之

**殺稱人此其稱名氏以弑何**

**據經言弑公子比也**

**解**也。○大夫至稱人。○解云即文十六年冬宋人弑其君處曰之下傳云大夫弑君稱名氏賤者窮諸人

註云賤者謂士也。士正曰當稱人大夫相殺稱人賤者窮諸盜。註云降大夫使稱人降士使稱盜者所以

別死刑有輕重也。然則文十六年師有成解故此弟子取而難之。○**經**據經至比也。○解云經言弑公子

比即是一兩下相殺之文而稱棄疾名氏是以據而難

之言將自是為君也。○**經**故使與弑君而立者同文也

不言其者比實已立嫌觸實公子棄疾即楚子居也

**解**言將至君也。○解云謂棄疾從是殺比之後遂代比為君矣。○**經**故使至文也。○解云同文也。即文

十四年秋九月齊公子商人弑其君舍是也。○**經**不

言至公子。○解云莊二十二年春陳人殺其公子禦寇。註云書者殺君之子重也。下十四年冬莒殺其公子意恢然則彼二公子見殺言其今公子比實已立

訖若言殺其公子比則嫌觸彼二公子文故曰嫌觸實公子云棄疾即楚子居也者即下二十六年秋楚

子居卒是也

秋公會劉子晉侯齊侯宋公衛侯鄭伯曹伯莒子邾婁

子滕子薛伯杞伯小邾婁子于平丘八月甲戌同盟

于平丘不舉重者起諸侯欲討棄疾故詳錄之不

言劉子及諸侯者間無異事可知矣不舉至錄

十四年六月公會宋公以下同盟于新城然則彼亦

二事舉盟為重不言會于某今會盟並舉故須解

之故云諸侯欲討棄疾以上有棄疾弑君之事下傳

有諸侯遂亂之言故知於間詳錄此會欲討之矣

事者則重言諸侯即定公四年三月公會劉子晉侯



以下于召陵侵楚夏四月蔡公孫歸姓帥師滅沈以  
沈子嘉歸殺之五月公及諸侯盟于浩油然則彼由  
間有隔事劉子不與盟是以重出諸侯今則間無隔  
事劉子復與盟是以不勞重出劉子及諸侯見其可  
知公不與盟○與者預註二不肯與及下文晉人執  
矣不與焉註公不與不宜與皆同

季孫隱如以歸公至自會○公不與盟者何  
與盟

者何○解云正以盟會詳錄即為善事公不見與盟  
而公不與盟於義似違故執不知問

也○時晉主會疑公如楚不肯與公盟故諱使若公

自不肯與盟○時晉至與盟○解云須言時晉主  
會者正以此會劉子在其間故須辨

之知非劉子主會者正以當時天子微弱故也知疑  
公如楚不肯與公盟者正以上七年三月公如楚九  
月公至自楚之文十一年公如晉至公不見與盟大  
河乃復是其見疑不得入晉故也

夫執何以致會國 據得意乃致會國 據得意乃致會國 據得意乃致會國

六年註云公與二國以上出會盟得意致會不得意 不致今此平丘之經亦是公與二國以上出會盟之

事故言據得意乃致會也若欲伯事言之即哀十三年夏公會晉侯及吳子于黃池公至自會是也

恥也曷為不恥國 據扈之會公失序恥之國 據扈之

○解云即文七年秋八月公會諸侯晉大夫盟于扈傳云諸侯何以不序大夫何以不名公失序也公失

序奈何諸侯不可使與公盟朕晉大夫使與公盟也何氏云為諸侯所薄賤不見序故深諱為不可知之

也 辭是諸侯遂亂反陳蔡君子不恥不與焉國 時諸侯

將征棄疾棄疾乃封陳蔡之君使說諸侯諸侯從陳

蔡之君言還反不復討楚楚亂遂成故云爾公不與

盟不書成楚亂者時不受賂也諸侯實不與公盟而言公不與盟者遂亂雖見與公猶不宜與也故因為

公張義

○復扶又反

○文是也

○公不至賂也

○解云即下

○

○

○

解云春秋之義諱內惡故隱五年春公觀魚于棠傳云何以書譏何譏爾遠也何氏云實譏張魚而言觀譏遠者恥公去南面之位下與百姓爭利匹夫無與故諱使若以遠觀為譏也然則公若與盟即成楚亂便是內惡例諱不書今公不與盟不書楚亂者正以時不受賂是以不得書其成亂矣桓二年春公會齊侯陳侯鄭伯于稷以成宋亂夏四月取郟大鼎于宋戊申納于大廟傳云何以書譏何譏爾遂亂受賂納于大廟非禮也然則彼以受賂之故書其成宋亂今不受賂是以不書成楚亂決之春秋之義為內諱大惡而桓公受賂而成宋亂不為之諱者彼註云宋公馮與督其弑君而立諸侯會于稷欲共誅之受賂便

還令宋亂遂成桓公本亦弑隱而立君子疾同類相  
養小人同惡相長故賤不為諱也者是也○**○**諸侯  
至張義○解云上註云故諱使若公自不肯與之盟  
今又言此者正以諸侯遂亂是以魯侯不肯與之盟  
然則上下二註彌縫為義非別解云因為公張義者  
謂書公不與盟者非直為國諱因見諸侯遂亂大惡  
公亦不宜與故言  
因公為張義也

蔡侯廬歸于蔡陳侯吳歸于陳**傳**此皆滅國也其言歸

**何****國**据歸者有國辭○廬力  
吳反

衛侯鄭歸于不與諸侯專封也**國**故使若有國自歸

者也名者專受其封當誅書者因以起楚封之所以  
能起之者上有存陳文陳見滅無君無所責又蔡本

以篡見殺但不成其子不絕其國卽諸侯存之當有

文實也

**說**

不與至封也。○解云宜言不與楚專封而

子也其稱人何諸侯之義不得專討也是楚得言諸侯之義矣而舊云楚子初無封陳蔡之意但畏諸侯之誅遂許封陳蔡之子孫陳蔡爲之請于諸侯諸侯止不伐楚楚乃封陳蔡然則陳蔡得封本由諸侯故傳言諸侯以明之也無疑焉。○**說**名者至當誅。○解云諸侯之式不合生名今陳蔡之君旣以稱爵而書名者正以諸侯之封宜受于天子而受國于楚故名之見當誅討不合爲諸侯矣。○**說**書者至實也。○解云言主書此事者非直惡陳蔡之君不受天子之命亦因以起楚封之所以能起楚之封者正以上九年夏四月陳火傳云陳已滅矣其言陳火何存陳也註云陳已滅復火者死灰復燃之象也此天意欲存之故從有國記災故曰上有存陳文也言陳見滅無君無所責者正以陳國已滅無君可責而火之者天意

作死灰復燃之象見陳君合存之意言蔡本以篡見  
 殺者即襄三十年夏四月蔡世子般弑其君固至上  
 十一年夏四月丁巳楚子虔誘蔡侯般殺之于申是  
 也言但不成其子者即止十一年冬十有一月楚師  
 滅蔡執蔡世子有以歸用之傳云未踰年之君其稱  
 世子何不君靈公不成其子是也子者嗣君之稱謂  
 不成其子有得稱嗣君以繼其父矣言不絕其國者  
 正以書滅是也何者僖五年晉人執虞公之下傳云  
 虞已滅矣其言執之何不與滅也曷為不與滅滅者  
 亡國之善辭註云言王者起當存之故為善辭也傳  
 云滅者上下同力者也註云言滅者臣子與君戮力  
 一心共死之辭是也然則何氏言此者欲道陳蔡皆  
 舊有國二君之子復先在楚楚人封之因遂反國故  
 得言歸非謂上會諸侯殫地封之若是上會諸侯殫  
 地封之當如救邢城楚丘之屬傳亦有文實之文若  
 作文實之文宜云城陳蔡傳云孰城之諸侯城之曷  
 為不言諸侯城之不與諸侯專封曷為不與實與而  
 文不與文曷為不與諸侯之義不得專封諸侯之義

不得專封則其曰實與之何上無天子下無方伯  
天下諸侯有相滅亡者力能存之則存之可也

### 冬十月葬蔡靈公

書葬者經不與楚討嫌本可責復

讐故書葬明當從誅君論之不得責臣子

**至臣子**

○解云隱十一年傳云然則何以不書葬春秋君弑  
賊不討不書葬以為無臣子也然則靈公上十一年  
為楚誘殺未見復讐之文而書其葬者正以上十一  
年經不與楚討若不書其葬即嫌可以責蔡臣子無  
復讐之義是以書葬靈公本弑父而立當從誅君論  
之不得責臣子復讐於楚矣言經不與楚討者即上  
十一年傳云楚子虔何以不名絕也曷為絕之為其  
誘討也此討賊雖誘之曷為絕之懷惡而討不義君  
子不與是也

### 公如晉至河乃復

吳滅州來

不日者

畧兩夷

不日者

畧兩夷

○解

厲註云莊王滅蕭日此不日者靈王非賢君畧之然則吳子夷昧兄弟立謀讓位季子即為賢者而反滅人宜亦書日以責之而不日者正以兩夷相滅故畧之考諸舊本日亦有作月字者若作月字當云春秋上下滅例書月即莊十年冬十月齊師滅譚十三年夏六月齊人滅遂之屬是今此不月畧兩夷故也是以下三十年十二月吳滅徐之下而註云至此乃月者所見世始錄夷狄滅小國也不從上州來巢見義者因有奔文可責是也以此言之則知此文無月明矣文承十月之下而言無月者謂不在十月內也然則為日字者誤云云之說在三十年

十有四年春隱如至自晉

三月曹伯滕卒

不與焚皆故全何責

補之問晉之何也



夏四月

秋葬曹武公

八月莒子去疾卒

入昭公卒不日不書葬者本篡故

因不序

○去起呂反

**昭**

入昭至不序○解云春秋之義所傳聞之世畧於小國不書其卒

至所聞之世乃始書之即文十三年邾婁子蘧條卒之徒是也至所見之世文致大平書小國而錄之卒

月葬時即下二十八年秋七月癸巳滕子甯卒冬葬滕悼公之屬是也今此莒君入昭公所見之世宜令

卒日葬時而卒不日復不書其葬者正由其本是篡人故因畧之不序其卒日亦不序其葬矣其本篡者

即上元年秋莒去疾自齊入于莒是也然則春秋之義篡明者例書其葬即衛晉鄭突齊小白陽生之徒

是今此去疾於上元年秋亦有自齊入于莒之文即

是篡明例合書葬但以本篡故因不序然則入昭公

公三流

卷三十三

及古

所見之世小國之卒例合書日而上三月曹伯滕卒亦不日者莊二十三年冬十一月曹伯射姑卒之下何氏云曹伯達於春秋當卒月葬時也如卒日葬月嫌於大國同故復卒不日入所聞世可日不復日然則曹伯終生於桓十年時以春秋敬老重恩之故而得卒日葬月以為太平是以入所見之世雖例可日亦不復日是故上文上曹伯不書日矣

冬莒殺其公子意恢莒無大夫書殺公子者未踰年

而殺其君之子不孝尤甚故重而錄之稱氏者明君

之子○恢苦○莒無大夫○解云莊二十七年傳

夫假令得見皆不書氏○稱氏至之子○解云小國大  
子者欲明其是君之子故也若言莒殺意恢無以明

嗣子  
不孝

十有五年春王正月吳子夷昧卒

○夷昧音末  
本亦作末

二月癸酉有事于武宮籥入叔弓卒去樂卒事○其言

去樂卒事何○

據入者言萬去籥言名不言卒事

籥

羊畧反去樂起呂反註

據入至卒事

○解云即

去籥及下文去樂同

宣八年夏六月辛巳有事

于大廟仲遂卒于垂壬午猶繹萬人去籥是也然則

彼乃入者言萬此則入者言籥彼則去籥言名此則

漫言去樂而已彼又不言卒事

禮也

以加錄卒事

即非禮但當言去樂而已若去籥矣總言樂者明悉

去也君有事于廟聞大夫之喪去樂

恩痛不忍舉

卒事

○

畢竟祭事大夫聞君之喪攝主而往

主謂

及古閣

已主祭者臣聞君之喪義不可以不即行故使兄弟

若宗人攝行主事而往不廢祭者古禮也古有分土

無分民大夫不世已父未必為今君臣也孝經曰資

于事父以事君而敬同國主謂至臣也○解云謂

云古有分土無分民知如此者正以詩云誓將去汝

適彼樂土論語云四方之民襁負其子而至矣之言

故也云大夫不世者謂凡平大夫也不得以有功德

大夫難之○國孝經至敬同○解云何氏之意以資

為取言取事父之道以事君所以得然者而敬同故

也以此言之則何氏解孝經與鄭稱同與康成異矣

云云之說國大夫聞大夫之喪尸事畢而往國賓尸事

畢而往也日者為卒日國為于國賓尸至往也○

偽反國解云正以禮大夫

祭謂之賓尸故也云日者為卒日者正以春秋之義失禮鬼神例日今非失禮知日為卒

夏蔡昭吳奔鄭不言出者始封名言歸嫌與天子歸

有罪同故奪其有國之辭明專封

昭吳左昭吳

奔鄭○解云左氏穀梁皆言朝吳出奔鄭今此作昭

吳字又不言出者所見之文與按左氏穀梁皆以朝

吳為蔡大夫則知此昭吳亦為蔡大夫矣而舊解以

昭吳為蔡侯廬之字者似非何氏之意○不言至

專封○解云今此昭吳出奔鄭不言出者正以其君

始封之時名書歸即上十三年蔡侯廬歸于蔡是也

云嫌與天子歸有罪同者謂書名言歸者乃與天子

歸有罪之文近相似故以為嫌何者僖公二十八年

夏六月衛侯鄭自楚復歸于衛註云言復歸者刺天

子歸有罪矣冬曹伯襄復歸于曹而註云曹伯言復

歸者天子歸之名者與衛侯鄭同義然則天子歸有

罪者書名言歸向上蔡侯廬歸于蔡亦有罪歸故言

嫌與天子歸有罪同非謂確然相似言故奪其有國之辭不言其出矣云明專封者欲明其蔡侯為楚所專封矣吳既受諸侯之專封不合有國故不言大夫之出奪其國文以見之

六月丁巳朔日有食之并十七年食蓋與于大辰

同占并十七年夏至同占○解云謂此文日有食之并

年有星孛于大辰同占也其占者則于大辰之下註云是後周分為二天下兩在宋南里以亡是也

秋晉荀吳帥師伐鮮虞

冬公如晉

十有六年春齊侯伐徐

楚子誘戎曼子殺之○楚子何以不名○据誘蔡侯名

○戎曼音蠻又音萬傳作戎蠻哀四年同○据誘蔡侯名○解云即

侯般殺之○夷狄相誘君子不疾也曷為不疾○据俱

于申是也○誘也若不疾乃疾之也○以為固當常然者乃所以

為惡也顧以無知薄責之戎曼稱子者入昭公見王

道太平百蠻貢職夷狄皆進至其爵不日者本不卒

不地者畧也○見賢○年申之會伐吳再見淮夷五

年冬越人伐吳一見越人所見之世而不進之者君

子因事見義故也何者淮夷與越蓋遭大夫會此是

君因可進而進之且昭公之時文致太平實不治定

但可張法而已寧可文皆進乎○不日者本不卒

○解云上十一年夏四月丁巳楚子虔誘蔡侯般殺之于申書其丁巳今亦誘殺而不日者正以戎曼乃是夷狄之內最為微國雖於太平之世亦不合卒是故春秋因畧之不書其日矣云不地者畧也者正以蔡侯誘殺經書于申今此不地故言畧也

夏公至自晉

晉侯夷卒

秋八月己亥晉侯夷卒

晉侯夷卒

九月大雩

先是公數如晉

音朔

季孫隱如如晉

冬十月葬晉昭公

十有七年春小邾婁子來朝



夏六月甲戌朔日有食之

秋鄒子來朝

八月晉荀吳帥師滅黃渾戎

○黃渾音六下戶門反

冬有星孛于大辰傳字者何彗星也註三字皆發問者

或言入或言于或言方嫌為字與猶問錄之○星孛音佩彗

息遂反又說字者何○解云欲言星名星名未有孛

凶歲反說欲言非星錄為星稱故執不知問○

三孛至錄之○解云言三孛皆發問者即文十四年

秋七月有星孛入于北斗傳云孛者何彗星也其言

入于北斗何北斗有中何也何以書記與也哀十三年

冬十有一月有星孛于東方傳云孛者何彗星也其

言于東方何見于旦也何以書記與也并此三處皆

言孛者何故言三孛皆發問也所以三處皆問之者

正以文十四年經言入于北斗此經言于大辰哀十三年經言于東方三文甚異即嫌為字之不同是以處處猶發問而詳錄之故云或言人其言于大辰何或言于或言方嫌為字與猶問錄之

**三** 据北斗言入于大辰非常名 **四** 据北斗言入于

不言入宜言于此據入而難之云大辰非常名者正以東方七宿皆謂之辰故曰大辰非七宿之常名而

經舉之因在大辰也 **五** 大辰者何大火謂心

**六** 大辰者何 **七** 解云正以大辰之名非一而已不知何者故執不知問 **八** 大火謂心 **九** 解云左氏傳

心為大火是也而釋天云柳鶉火者正以柳在南方亦可為出火之候故也不謂心星非大火然則爾雅

不言心為大火 **十** 大火為大辰伐為大辰 **十一** 伐為參伐

者文不備也 **十二** 也大火與伐天所以示民時早晚天下所取正故謂

之大辰辰時也

○參所  
林反

**說**大火為大辰○解云即釋  
天云大火謂之大辰李氏

云大火蒼龍宿之心以候四時故曰大辰孫氏郭氏  
云大火心也在中明故時候主焉是也○**說**伐謂

參伐也○解云正以伐在參傍與參連體而  
六星故言伐謂參伐伐與參為一候故也 **北辰亦**

**為大辰**

**說**北辰北極天之中也常居其所迷惑不知

東西者須視北辰以別心伐所在故加亦亦者兩相

須之意

○別彼  
列反

**說**北極北極○解云即釋天云北  
極謂之北辰李氏云北極天心居

北方正四時謂之北辰孫氏郭氏曰北極天之中以  
正四時謂之北辰是也云天中也者以天面言之故

也然則謂之極者取於居中之義矣而春秋說云北  
者高也極者藏也言大一之星高居深藏故名北極

也者與先儒說違其何氏兩解乎云 **何以書記異也**  
常居其所者謂常居紫微宮所矣

**心**者天子明堂布政之宮亦為亭彗者邪亂之氣

掃故置新之象是後周分為二天下兩主宋南里以

亡○邪似**心**者至之宮○解云春秋說文星經

矣○是後至以亡○解云言周分為二天下兩主

者謂敬王在成周王猛居王城故下二十二年秋劉

子單子以王猛入于王城傳云王城者何西周也何

氏云時居王城邑自號西周王經又言冬十月王子

猛卒二十二年秋尹氏立王子朝然則王猛卒後子

朝復篡恒與敬王處摺相拒故云周分為二天下兩

主也是以運斗樞云星孛賊起守大辰於五堂亂兵

填門王王爭周以分是也然則彼有三王爭者通前

後言之今此云周分為二天下兩主者正以子猛子

朝之篡是一也言宋南里以亡者即下二十一年夏

宋華亥向寧華定自陳○天入于宋南里以畔是也

楚人及吳戰于長岸傳詐戰不言戰此其言戰何傳掘

於越敗吳于醉李

醉李音橋本或作橋

敵也傳俱無勝負不

可言敗故言戰也不月者畧兩夷

傳

詐戰至戰何傳○

而傳以詐戰問之者正以夷狄質薄不能結日偏戰

今此兩夷而言戰故以詐戰難之傳○傳據於至醉李

○解云在定十四年夏也彼此皆是兩夷無言戰之

經是以據而難之傳○傳不月者畧兩夷○解云正以

春秋之例偏戰者日詐戰者月

今此詐戰而不月故言畧兩夷

十有八年春王三月曹伯須卒

夏五月壬午宋衛陳鄭災傳何以書記異也何異爾異

其同日而俱災也外異不書此何以書為天下記異

也詩云其儀不忒正是四國四國天下象也是後

王室亂諸侯莫肯救故大應以同日俱災若曰無天

下云爾為于偽反忒官記異也○解云經言災得反應應對之應者以其焚宗廟朝廷故

也傳云與者正以四國同日而俱災○四國天下象也○解云正以四國得為四方之國故得謂之天

下象○是後王室亂諸侯莫肯救○解云即下二十二年夏六月王室亂傳云何言乎王室亂註云据

天子之居稱京師言不及外也註云宮謂之室刺周室之微弱邪庶並篡無一諸侯之助匹夫之救如一

家之亂也故變京師言王室不為天子諱者方責天下不救之者是王室亂諸侯莫肯救之事也

六月邾婁人入郟郟音禹又音矩

秋葬曹平公

冬許遷于白羽

十有九年春宋公伐邾婁

夏五月戊辰許世子止弑其君買

**國**蔡世子般弑父不

忍日此日者加弑爾非實弑也

**國**蔡世至弑也○  
解云即襄三十年

夏四月蔡世子般弑其君固何氏云不日者深為中國隱痛有子弑父之禍故不忍言其日是也然則許亦中國而言日者正以加弑非實弑故也知加弑者下傳備文若夷狄弑父則忍言其日者即文元年冬十月丁未楚世子商臣弑其君髡彼註云日者夷狄子弑父忍言其日是也

巳卯地震

**國**季氏稍盛宋南里以叛王室大亂諸侯莫

肯救晉人圍郊吳勝雞父尹氏立王子朝之應

**國**季





皆同止進藥而藥殺也時悼公病止進藥悼公飲藥

而死止進藥而藥殺則曷為加弒焉爾据意善也

譏子道之不盡也其譏子道之不盡奈何曰樂正子

春之視疾也樂正子春曾子弟子以孝名聞

正至各聞○解云祭義云樂正子春下堂而傷其足數月不出猶有憂色門弟子云云子春曰吾聞諸曾

子曾子聞諸夫子曰天之所生地之所養唯人為大父母全而生之子全而歸之可謂孝矣云云今予忘

孝之道予是以有憂色云云是也復加一飯則脫然愈復損一飯則

脫然愈復加一衣則脫然愈復損一衣則脫然愈

脫然疾除貌也言消息得其節復加扶又反下同一飯扶晚反下同

**節**復加至然愈○解云言子春視疾之時消息得其節觀其顏色力少如可時更加一飯以與之其病

者脫然加愈若觀其顏色力少如弱時則復損一飯以與之則其病者脫然加愈又觀其顏色力似寒時則復加一衣以與之則病者脫然又加愈又觀其顏色力似如煖時則復損一衣以與之則病者脫然而愈

**止進藥而藥殺是以君子加弑焉爾****失其消息**

多少之宜曰許世子止弑其君買是君子之聽止也

**聽治止罪葬許悼公是君子之赦止也****原止進**

藥本欲愈父之病無害父之意故赦之赦止者免止

之罪辭也**明止但得免罪不得繼父后許男斯代**

立無惡文是也**明止至是也**○解云正以此傳但有赦止之文而無善止之處故

知但得免罪而已無嗣父之義矣云許男斯代立無  
惡文是也者正以自此以后不見許男卒葬之文唯  
有定六年春王正月癸亥鄭游邀帥師滅許以許男  
斯歸是也言無惡文者正以不見立入之文故也若  
止宜立而斯篡之春秋之義應作篡文以惡斯矣似  
若隱四年衛桓見弑嗣子宜立而宜篡之經書立晉  
以為惡晉  
之文也

## 二十年春王正月

夏曹公孫會自鄭出奔宋傳奔未有言自者此其言自

**何** **何** 据始出奔未有言自者與宋華亥入宋南里復

出奔異

○鄭音蒙又亡忠反又亡貢反一音亡增  
反者此舊於此下有比者非復扶又反

**何** 据始至言自○解云謂始發國出未有言自者故

云爾云與宋華亥入宋南里復出奔異者即下文終

十月宋華亥向寧華定出奔陳二十一年夏宋華亥向寧華定自陳入于宋南里以叛二十二年春宋華亥向寧華定自宋南里出奔楚是也而言與者正以華亥之徒奔而又叛邑之處乃始出奔故得言自今會始出故

**畔也** **時會盜鄰以奔宋畔則曷為不言**

云與矣

**其畔** **言叛者當言以畔如邾婁庶其** **言叛至庶其** **解**

云若其作叛文當言公孫會以鄰出奔宋如似襄二十一年邾婁庶其以漆閭丘來奔之類也

**為公**

**子喜時之後諱也春秋為賢者諱** **諱使若從鄭出**

奔者故與自南里同文 為公子于偽反下 **何賢乎**

**公羊喜時** **據喜時不書** **據喜時不書** **春秋賢**

之者皆書見經即莊二十四年冬曹羈叔旽春陳宣十七年冬公弟叔旽卒之文是也今此喜時既不書見

非所賢矣則何賢讓國也其讓國奈何曹伯廬卒于  
乎喜時故難之

師在成十三年則未知公子喜時從與喜時曹

伯廬弟

○從與才用反下音餘下從與同

喜時曹伯廬弟○解云而賈服以為廬之庶

子者蓋所見本與也

公子負芻從與

負芻喜時庶兄或為主

于國或為主于師

古者諸侯師出世子率與守國

次宜為君者持棺絮從所以備不虞或時疾病相代

行本史文不具故傳疑之

○絮從女居反說文曰絮縑也一曰敝絮也

疏

古者至不虞○解云春秋說文言率與守國者與眾也謂率眾以守國也左氏春秋傳云天子之法君

行則守是也其次宜為君者謂若太子母弟也言持棺絮從者棺者柩也即禮云以柩從之文是也絮謂

新縣即禮記云屬纊以俟絕氣之文是也云或時疾病相代行者正以曹伯無子喜時其母弟也當守國公子負芻者庶兄也禮當從君但或時負芻疾而公喜時代之行今傳不言者正以史文不具故也

子喜時見公子負芻之當主也逡巡而退賢公子喜

時則曷為為會諱君子之善善也長惡惡也短惡惡

止其身不遷怒也  
○遂七旬反惡惡並如  
字一讀上烏路反下同  
至當

主○解云當依正禮喜時守國則負芻當主者在薨之處當主而來若其疾病未代行則負芻當主也者在國而當主矣  
善善及子孫賢者子孫故君子為之諱也

君子不使行善者有後患故以喜時之讓除會之叛

不通鄰為國如通濫者喜時本正當立有明王興當

還國明叔術功惡相除裁足通濫爾

○濫力甘反 又力暫反

**通**

**通**不通至濫爾。○解云昭三十一年冬黑弓以濫來奔傳云文何以無邾婁註云據讀言邾婁通濫也。註云通濫為國故使無所繫曷為通濫賢者子孫宜有地也。賢者孰謂謂叔術也。何賢乎叔術讓國也。云云。然則今若通鄭為國宜云夏公孫會以鄭出奔宋傳云文何以無曹通鄭也。曷為通鄭賢者子孫宜有地也。賢者孰謂謂喜時也。何賢乎喜時讓國也。云云。今不如此者正以喜時本正當立。若有明王典與滅國繼絕世之時當令還其國則不宜通鄭邑以為小國而已。以此言之明叔術以讓國之功除其妻嫂殺顏之惡裁足通濫邑以為小國而已。不足以得邾婁也。

秋盜殺衛侯之兄輒。母兄稱兄。兄何以不立。據

嫡以長

○輒左氏作繫嫡。丁歷反。長丁丈反。據立嫡以長。○解云

賢何以不宜立立嫡以長不以賢立子以貴不以長之文是也

**有疾也何疾爾惡疾**

**也**

惡疾謂瘖聾盲癘禿跛偃不逮人倫之屬也書

者惡衛侯兄有疾不憐傷厚遇營衛不固至今見殺

失親親也公子不言之兄弟言之者敵體辭嫌於尊

卑不明故加之以絕之所以正名也

○瘖於今反聾路工反癘力世

反又力大反禿吐木反跛布可反

**也**

失親親也○

偃於矩反惡烏路反令力呈反

**也**

解云失親親之

道也

**冬十月宋華亥向甯華定出奔陳**

月者危三大夫同

時出奔將為國家患明當防之

○向甯二傳作向寧

**也**

至防之



○解云春秋之義大夫出奔例皆書時即成七年冬  
衛孫林父出奔晉襄二十八年夏衛石惡出奔晉冬  
齊慶封來奔之屬是也今此書月故須解之言將為  
國家患者即下文入于宋南里以畔是也若言三大  
夫同時出奔然後乃月按莊十二年冬十月宋萬出  
奔陳一大夫也亦書月者使與大國君出奔同明彊  
禦之甚  
是也

十有一月辛卯蔡侯廬卒

二十有一年春王二月葬蔡平公

夏晉侯使士鞅來聘

宋華亥向甯華定自陳入于宋南里以畔傳宋南里者

何若曰因諸者然傳因諸者齊故刑人之地公羊子

齊人故以齊喻也宋樂大心自曹入于蕭不言宋南

里者畧叛臣從刑人于國家尤危故重舉國○重直用反

**○**入于至以畔○解云左氏穀梁皆作南里字而賈氏云穀梁曰南鄙蓋所見與也○宋南里者何

○解云欲言其邑而繫宋言之與蕭例與欲言非邑入之而叛與蕭相似故執不知問○**○**因諸至之地○

○解云舊說云卽博物志云周曰囹圄齊曰因諸是也○**○**宋樂至言宋○解云卽定十一年秋宋樂大心

○自曹入于蕭註云不言叛者從叛臣叛可知者是也何事特引此事者正以自外而入與此相似而不繫

宋故須解之

秋七月壬午朔日有食之○是後周有篡禍○是後周有篡

禍○解云在明年

八月乙亥叔痤卒

○叔痤在禾反左氏作叔輒

叔痤○解云左氏穀梁作叔輒

冬蔡侯朱出奔楚

出奔者為東國所篡也 大國奔例

月此時者惡背中國而與楚故畧之

○惡鳥路反背音佩

朱○解云左氏與此同穀梁作蔡侯東○出奔至

篡也○解云知此者正以二十三年夏六月蔡侯東

國卒于楚故也篡不書者東國之下自有註說○

大國至畧之○解云大國奔例月者即桓十六年十

一月衛侯朔出奔齊之徒是也言

公如晉至河乃復

二十有二年春齊侯伐莒

宋華亥向甯華定自宋南里出奔楚

前出奔已絕賤

復錄者以故大夫專勢入南里犯君而出當誅也言

自者別從國去

復扶又反別從彼列反下同前出至國去○

冬也春秋之例大夫奔之後其位已絕即襄二十八年冬齊慶封來奔其後因魯奔吳經不書之是也今此書者正以專勢入南里犯君而出起其當誅故也云言自者別從國去者謂言自宋南里者欲別於宋萬出奔陳之文從國都而去者故也

大蒐于昌姦

大蒐所求反本亦作度昌姦二傳作昌間

夏四月乙丑天王崩

六月叔鞅如京師

葬景王

王室亂

**傳**

謂王猛之事

**傳**

謂于至之事○解云即下文秋劉子單子以王猛入于

王城是也不言子朝者子朝于時篡事未成故也

**傳**何言乎王室亂

**傳**

据天

子之居稱京師天王入于成周天王出居于鄭不言

亂

**傳**

据天至京師○解云桓九年紀季姜歸于京師京師者何天子之居也京者何大也師者何

衆也天子之居必以衆大之辭言之是也云天王入

于成周者即下二十六年冬十月天王入于成周是

也以上二事以解傳文何言乎王室亂之意云天王

出居于鄭不言亂者即僖二十四年冬天王出居于

鄭是也**傳**言不及外也**傳**宮謂之室刺周室之微邪庶並

篡無一諸侯之助匹夫之救如一家之亂也故變京

師言王室不言成周言王室者正王以責諸侯也傳

不事事悉解者言不及外外當責之故正王可知也

不為天子諱者方責天下不救之

○邪庶似嗟反宮謂之室○

解云爾雅文云邪庶並篡者正以子猛子朝皆非正  
適故謂之邪庶也共篡敬王故謂之並篡時子朝篡  
事未成而言並篡者欲見尹氏之徒已有立之之意  
也云無一諸侯之助匹夫之救者正以變京師言王  
室故知如此云不言成周言王室者正王以責諸侯  
也者公羊之義以成周是正居既不言京師亂何故  
不言成周亂而言王室亂者又欲正其王號以責諸  
侯不救之謂敬王為王矣其若不然景王之崩至今  
期年其嗣子在喪得云王室乎云傳不事事悉解者  
傳若事悉解宜云不言京師言王室者刺周家之微  
也如一家之亂而已責諸侯不救急著天王之號今  
不爾者正以言不及外之文足兼此等之意是故不  
復費辭耳云言不及外即外邊諸侯之當責之可  
知由是之故須著言王責諸侯之不救也故曰皆可

知云註不為天子諱者方責天下不救之者閔二年傳云曷為外之春秋為尊者諱然則春秋之義為尊者諱今天子微弱不能討亂失國之刑而不為諱者方責天下不救之是以不得不見者矣

劉子單子以王猛居于皇其稱王猛何據未踰年

已葬當稱子據未至稱子○解云正以莊三十二年傳云既葬稱子踰年稱公故也

言已葬者即上文葬景王是也當國也時欲當王者位故稱王猛

見當國也錄居者事所見也不居猛為重者時猛尚

幼以二子為計勢故加以者行二子意辭也二子

不舉重者尊同權等見當賢時欲至國也○編反下同解云正以言王須

國受師似當國之人鄭段之徒矣云錄居者事所見也者正以當國之人未成為王理宜畧之而錄其居

者春秋刺其篡逆若不書云王猛居于皇則其當國  
之事無由見故曰錄居者事所見也云不舉猛為童  
者春秋之徒悉皆舉重是以下二十二年秋天王居  
于狄泉之經不言其大夫以之今不舉重故如此解  
也云以者行二子意辭也者正以桓十四年宋人以  
齊人衛人蔡人陳人伐鄭以者何行其意也何氏云  
以已從人曰行言  
四國行宋意是也

秋劉子單子以王猛入于王城傳王城者何西周也

時居王城邑故號西周王王城者何○解云欲言

言非正居王猛入其言入何○據非成周○

之故執不知問○解云正以公羊之義以成周為正居故言此矣

是以二十六年冬十月天王入于成周是也○也○時雖不入成周已得京師地半稱王置官自號



西周故從篡辭言入起其事也不言西周者正之無

二京師也不月者本無此國無可與別輕重也

**故**

從篡辭言入○解云正以春秋之義立納入皆為篡辭故此謂入為篡辭矣○**不月**至重也○解云春秋之義大國之篡例合書月即隱四年冬十二月衛人立晉之徒是何者以其禍大故也小國例時以其禍小矣即昭元年秋莒去疾自齊入于莒之文是今此入王城之邑而篡天子計其禍咎實如大國之例而不月者正以本無可與別輕重之義是以時之也

冬十月王子猛卒**傳**此未踰年之君也其稱王子猛卒

**何** 據子卒不言名外未踰年君不當卒

**說** 據子卒不言

名○解云即文十八年冬十月子卒是也云外未踰年君不當卒者正以春秋上下無其事故也而僖九年

年冬晉里克弑其君之子奚齊書者彼乃見殺非此之類也而言外者正以內之子般子野之徒皆書之故不與當也不與當者不與當父死子繼兄死弟及

之辭也國春秋篡成者皆與使當君之父死子繼兄

死弟及者篡所緣得位成爲君辭也猛未悉得京師

未得成王又外未踰年君三者皆不當卒卒又名者

非與使當成爲君也嫌上入無成周文非篡辭故從

得位卒明其爲篡也月者方以得位明事故從外未

踰年若例國春秋至辭也○解云卽公及齊侯盟于柯齊侯小白卒之徒是也○猛未

至當卒○解云猛未悉得京師卽從篡不成已是不當卒也假令得作外踰年君問自不得書其卒况未

成外踰年君實不得書其卒言二者不當卒矣○  
卒又至篡○解云既不合卒今書其名非欲成其為  
君但嫌上經入于王城之時無成周之文恐其非篡  
辭故從其得位而書其卒正欲明為篡故也○  
者至君例○解云篡既不成理宜畧之而書其月者  
春秋方書其卒若得位然以明其篡事故曰方以得  
位明事也言故從外未踰年君例者即僖九年冬晉  
里克弑其君之子奚齊何氏云弑未踰年君例當月  
不月者不正遇禍終始惡明故畧  
之今此書月從未踰年君例矣

十有二月癸酉朔日有食之是後晉人圍郊犯天子

邑



春秋公羊註疏昭公卷第二十四

起二十二年 盡三十二年

漢何休學

二十三年春王正月叔孫舍如晉

**疏**

叔孫舍○解云左氏穀梁作媯字

癸丑叔鞅卒

晉人執我行人叔孫舍

晉人圍郊傳郊者何天子之邑也

**疏**

天子間田有大夫

主之

**音** 閑

**疏**

郊者何○解云欲言外邑文無所繫欲言魯邑而不言伐我故執不知問也

曷為不繫于周不與伐天子也

**疏**

與侵柳同義

**疏**

與

侵柳同義○解云即宣元年冬晉趙穿帥師侵柳傳曰柳者何天子之邑也註云天子間田也有大夫守

之晉與大夫忿爭侵之也曷為不繫于周註云据王師敗績于貿戎繫王不與伐天子也註云絕正其義使若兩國自相伐今此圍郊亦然故曰與侵柳同義然則彼已有傳今復發之者正以侵圍異文故也且若不發傳無以知其伐天子

夏六月蔡侯東國卒于楚

不日者惡背中國而與楚

故畧之月者比胙附父仇責之淺也不書葬者篡也

篡不書者以惡朱在三年之內不共悲哀舉錯無度

失眾見篡

○惡背烏路反下同背音佩共音恭錯七故反

國之卒例皆書日今此不日故解之言背中國而與楚者即此文卒於楚是也

○不日者至淺也○解云藩十四年冬蔡侯盼卒註云不月者賤其背中國而附父仇故畧之甚也然則彼過深故不月此則過淺

但不日而已云云之說備於僖十四年云不書葬者  
篡也者以春秋之例篡不明者例不書葬今此東國  
篡不明不書其葬以明篡矣○**篡**篡不至見篡○解  
云二十一年冬蔡侯朱出奔楚何氏云奔者為東國  
所篡然則東國既篡於朱而無立入之文者正欲惡  
朱故也何者東國篡朱而無文貶則知春秋之義惡  
朱明矣言在三年之內者即二十年冬蔡侯廬卒至  
二十一年冬朱即出奔故曰三年之內也所見之世  
始錄諸侯內行小失不可勝書是以春秋但猶而見  
譏而已故何氏云不共悲哀舉錯無度而已矣凡是  
為人所篡皆失眾之所出  
故何氏云失眾見篡也

秋七月莒子庚輿來奔

戊辰吳敗頓胡沈蔡陳許之師于雞父胡子髡沈子楹

滅獲陳夏齧**傳**此偏戰也曷為以詐戰之辭言之

据甲戌齊國書及吳戰于艾陵俱與夷狄言戰今此

從詐戰辭言敗

○雞父音甫髡苦門反楹音盈左氏作逞穀梁作盈夏戶雅反齧五結反

艾五此偏戰也○解云正以春秋之例偏戰者日蓋反詐戰者月今此書日故言偏戰○据甲戌

至言敗○解云即哀十一年夏五月公會吳伐齊甲戌齊國書帥師及吳戰于艾陵齊師敗績獲齊國書

是也不與夷狄之主中國也序上言戰别客主人直

不直也今吳序上而言戰則主中國辭也

○别客彼列反下及

傳同序上言戰○解云以莊二十八年齊伐衛衛人及齊人戰衛人敗績傳云春秋伐者為客註

云伐人者為客伐者為主註云見伐者為主故使衛主之也彼註云戰序上言及者為主曷為使衛主之

衛未有罪矣註云蓋為幽之會服父喪未終而不至故又僖十八年春宋公以下伐齊夏宋師及齊師戰



于麤齊師敗績傳云春秋伐人者為客伐者為主曷為不使齊主之與襄公之征齊也曷為與襄公之征齊桓公死豎刁易牙爭權不葬為是伐之也以此言之若主人直則主序上若客直則客序上故云序上言戰別客主人直不直今吳人序其上而言戰則是吳人為主中國之辭故不得言戰直言敗而已故云不與夷狄然則曷為不使中國主之

吳中國亦新夷狄也

能尊尊也王室亂莫肯救君臣上下壞敗亦新有夷

狄之行故不使主之不稱國國出師者賤畧之言之

師者辟許獨稱師上五國稱國之嫌

臣上下壞敗者○解云不救天子有無君臣上下之

道故云君臣上下壞敗○不稱國國出師者賤畧

之者。○解云決桓十三年春齊師宋師衛師燕師敗績之文。○**[註]**言之師者。○解云若不言之直言吳敗頓胡沈蔡陳許師于雞父則嫌師文獨使許稱自陳以上單稱國是故言之以散之矣。其言滅

**獲何****[註]**据蔡公孫歸生滅沈以沈子嘉歸殺之國言

滅君言殺又獲晉侯言獲此陳夏鬻亦言獲君大夫

無別**[註]**据蔡至言殺。○解云卽定十四年夏四月

之彼國言滅君言殺今此君言滅是以据而難之云

又獲晉侯言獲者卽僖十五年冬十一月壬戌晉侯

及秦伯戰于韓獲晉侯是也然則國言滅君言殺以

解傳其言滅何之文又獲晉侯言獲以解傳其言獲

向之**別君臣也君死于位曰滅生得曰獲大夫生死**

皆曰獲**[註]**大夫不世故不別死位

**[註]**者君死于位曰滅者。○解云卽此

胡子髡沈子楹滅是也生得曰獲者即獲晉侯是也  
大夫生死皆曰獲者大夫死曰獲者即此獲陳夏齧  
及哀十一年獲齊國書之徒是也其大夫生得曰獲  
者宣二年獲宋華元是也○大夫不世故不別死  
位○解云正謂諸侯世故別其死社稷與不若其死  
社稷者而經書滅不能者貶之言獲也大夫不世是  
以不勞別之故不問  
生死皆謂之獲也

陳夏齧何

據荆敗蔡師于莘以蔡侯獻舞歸不言

獲

○莘所  
中反  
據荆至言獲  
解云在莊十年秋九

獲中  
國也  
吳少進也

能結日偏戰行少進故從中國辭

治之髡楹下云滅者死戰當加禮使若自卒相順也

經先舉敗文嫌敗走及殺也故以自滅為文明本死

位乃敗之爾名者從赴辭也

**疏**云獲晉侯我鄆子之解

徒皆獲戕之文在上今髡楹之滅滅文在下者以其

死戰當合加禮故退滅文於下使若公子友卒之類

不為人所殺然故曰使若自卒一則不言戰不與夷

狄之主中國一則其言滅不與夷狄之殺諸夏理二

合符故言相順也○**註**各者從赴辭也○解云公羊

之義合書則書不待赴告而言從赴辭者正以髡楹

既死故胡沈之臣赴告鄰國云道寡君某甲為吳所

滅諸侯之史悉書其名孔子按諸國之文而為春秋

由是之故錄其名矣故曰各者從赴辭隱公八年夏

六月己亥蔡侯考父卒秋八月葬蔡宣公傳云卒何

以名而葬不名卒從正註云卒當赴告天子君前臣

名故從君臣之正義言也而葬從主人彼註云至葬

者有常用功知不赴告天子故從蔡臣子辭稱公也

以此言之則此註云各者從赴辭者謂其赴告天子

之辭是以曰赴辭也

稱人矣於于辭賦長也

曰數番借費晉對長也

天王居于狄泉

**傳**此未三年其稱天王何

**說**据毛伯來

求金不稱天王

**說**毛伯來求金是也彼云何以不稱

使當喪未君也踰年矣何以謂之未君即位矣而未

稱王也未稱王何以知其即位以諸侯之踰年即位

亦知天子之踰年即位也註云俱繼體其禮不得異

以天子三年然後稱王亦知諸侯於封內三年稱子

也然則天子之法三年然後方始稱王故此傳云

此未三年其稱王何据毛伯不稱天王以難之

有天子也

**說**

時庶孽並篡天王失位徙居微弱甚故

急著正其號明天下當救其難而事之

**說**孽魚列反難乃旦反

尹氏立王子朝

**說**

貶言尹氏者著世卿之權尹氏貶王

子朝不貶者年未滿十歲未知欲富貴不當坐明罪

在尹氏

○子朝如字

**詁**

貶言尹氏者○解云即隱三年夏尹氏卒之下傳云尹氏者何天

子之大夫也其稱尹氏何貶曷為貶譏世卿是也云

年未滿十歲者何氏更有所見或者正以衛人立晉

莒展去疾之徒悉去公子見其當國今此王子朝經

無貶文乃與楚公子比之經相似案上十三年公子

比之下傳云比已立矣其稱公子何其意不當也以

此言之明其幼少也年既幼少未貪富貴故以未盈

十歲言以下二十六年出奔之時年已補長而不去王子者順上文也

八月乙未地震

**詁**

是時猛朝更起與王爭入遂至數年

晉陵周竟吳敗六國季氏逐昭公吳光弑僚滅徐故

日至三食地為再動

○更音庚數所主反為于偽反

**詁**

是時至數年○解云猛

今雖卒但篡來世近王子朝復逆故曰猛朝更起上王猛入于王城今言天王居于狄泉尹氏立王子朝

二十六年天王入于成周王子朝奔楚故云與王爭入也首尾五載故曰遂至數年云晉陵周竟者即上圍郊是也云吳敗六國者上文云吳敗頓胡沈蔡陳許之師云云是也云季氏逐昭公者即下二十五年九月癸亥公孫于齊是也○吳光殺僚滅徐者即解云即下二十七年夏四月吳弑其君僚滅徐者即下三十年冬十二月吳滅徐徐子章禹奔楚是也云故日至三食地為再動者上二十一年秋七月壬午朔日有食之二十三年十有二月癸亥朔日有食之二十四年夏五月乙未朔日有食之故云日至三食也上十九年夏五月己卯地也震今年又震故曰地為再動

冬公如晉至河公有疾乃復傳何言乎公有疾乃復記

据上比乃復不言公不言有疾

說据上至有疾○解云上十三年冬

公如晉至河乃復又二十一年冬公如晉至河乃復皆言公如而云不言公者正謂至河之下不言公矣

殺恥也

**註**

因有疾以殺畏晉之恥舉公者重疾也子

之所慎齊戰疾

二十有四年春王二月丙戌仲孫矍卒

叔孫舍至自晉

**註**

叔孫舍至自晉○解云上十四年春

其氏今此叔孫舍不去氏者蓋以其無罪故也是以文  
十四年傳云稱行人而執者以其事執也註云以其  
所銜奉國事執之晉人執我行人叔孫舍是也不稱  
行人而執者以已執也註云已者已大夫自已大夫  
之罪執之分別之者罪惡當各歸其本以此言之則  
知隱如有罪故去其氏叔孫無罪故無貶文若然文  
十五年夏單伯至自齊案彼單伯亦以其有罪執而  
存其氏者恥之故也是以彼註云不省去氏者淫當  
絕使若他單伯至是也



夏五月乙未朔日有食之是後季氏逐昭公吳滅巢

弒其君僚又滅徐

是後季氏逐昭公者在十二年九月云吳滅巢者在今

年冬云弒其君僚者在二十七年云又滅徐者在三十年冬先言季氏逐昭公者正欲決吳事故也

秋八月大雩先是公如晉仲孫矍卒民被其役時年

叔倪出會故秋七月復大雩被皮寄反

丁酉杞伯鬱釐卒

鬱釐音來又力之反一傳作郁釐  
**左**杞伯鬱釐卒者左氏穀梁作郁

釐字今正本亦有郁字者

冬吳滅巢

葬杞平公

二十有五年春叔孫舍如宋

夏叔倪會晉趙鞅宋樂世心衛北宮喜鄭游吉曹人邾

婁人滕人薛人小邾婁人于黃父

○倪音詣又五兮反左氏作詣樂世

心世如字又以制反左氏作大心父音甫

同夏叔倪者○解云穀梁與此經賈註者作叔詣字

有鸛鶴來巢何以書記異也何異爾非中國之禽也

宜穴又巢也

非中國之禽而來居此國國將危亡

之象鸛鶴猶權欲宜穴又巢此權臣欲國自下居上

之徵也其後卒為季氏所逐

○鸛音權左氏作鸛音欲

鸛來巢者○解云按運斗樞云有鸛鶴來巢于榆此經不言于榆者欲道來巢即為異不假指其處所若

莊七年傳云不修春秋曰雨星不及地尺而復君子  
修之曰星實如雨何氏云明其狀似雨爾不當言雨  
星不言尺者實則為異不可以尺寸錄之非中國之  
禽也者謂是夷狄之鳥以異義公羊說云鸛鶴夷狄  
之鳥不當來入中國鄭君駁之曰春秋之鳥不言來  
者多為夷狄來也若鸛鶴乃飛從夷狄而來則昭將  
去遠域之外以此言之則知非中國之禽者謂是夷  
狄之鳥而冬官云鸛鶴不踰濟鄭氏云無妨於中國  
有之者何氏所不取也舊解以為中國國中者非傳註之意穀梁與此同

秋七月上辛大雩季辛又雩傳又雩者何又雩者非雩

也聚眾以逐季氏也傳一月不當再舉雩言又雩者

起非雩也昭公依托上雩生事聚眾欲以逐季氏不

書逐季氏者諱不能逐反起下孫及為所敗故因雩

起其事也但舉日不舉辰者辰不同不可相為上下

又日為君辰為臣去臣則逐季氏意明矣上不當日

言上辛者為下辛張本不言下辛言季辛者起季氏

不執下而逐君

○下孫音遜下文同去起呂反為下干偽反下而為同

者何

○解云諸夏雩祭文悉不言又異于常例故執不知

問○**圖**一月至事也○解云僖三年註云太平一月

不雨即書春秋亂世一月不雨未害物未足為異當

滿一時乃書然則春秋之義○時能害方始書雩豈

有再舉其雩乎故曰一月不當再舉雩矣既無再舉

雩之例而又言雩者何以起其非實雩故云言又雩

者起非雩也○**圖**但舉至上下○解云正以去年夏

五月乙未朔日有食之則此月上辛為辛丑下辛為

辛酉所以直言辛不兼言丑酉者若言辛丑辛酉即

是參差不問不可相為上下故也○**圖**又日至明矣

○解云十日為陽為幹故為君之義十二辰為陰為枝故為臣之象故云日為君辰為臣。○**上**不至張本。○解云春秋之雩其例書時即桓五年秋大雩之文是故云上不當日也。若然亦不合月而六七月者欲見上辛下辛皆七月之日故。○**言**不言至逐君。○解云凡言上者對下之稱既言上辛而不言下辛者欲起季氏不執臣下之卑而逐君矣。

九月巳亥公孫于齊次于揚州

**地**者臣子痛君失位

詳錄所舍止

○揚州左**地**者至舍止。○解云地氏作揚州**地**者即經書次于揚州是也。

春秋之義悉皆舉重不舉公孫為重而復書次于揚州者臣子哀痛公之失位是以詳錄公之所舍止之

處矣

齊侯唁公于野井**傳**言公者何昭公將弑季氏**傳**言

弑者從昭公之辭

○音音彥將弑首弑下及註同 昭公者何○解

可諱之限今而書見故執不知問

○傳言至之辭

○解云君討臣下正應言殺今傳云弑故須解之而

言從昭公之辭者即下文

告子家駒曰季氏為無道

云吾欲弑之何如是也

僭於公室久矣

諸侯稱公室

○季氏為無道者謂無臣之道

吾

欲弑之何如

昭公素畏季氏意者以為如人君故

言弑

○昭公至言弑○解云隱四年傳云與弑公何氏云弑者殺君之辭然則臣下犯於君父

皆謂之弑今昭公欲討臣下

子家駒曰諸侯僭於天

而言弑違於常義故須解之

子大夫僭於諸侯久矣昭公曰吾何僭矣哉

○失禮

成俗不自知也

○失禮至知也○解云正以魯人始僭在春秋前至昭已久故不自

知子家駒曰設兩觀禮天子諸侯臺門天子外闕

兩觀諸侯內闕一觀觀工亂

天子外闕兩觀諸侯內闕一觀者禮說文也乘大路禮天子大路諸侯

路車大夫大車士飾車禮天子大至飾車

車詩云路車乘馬是也云大夫大車者即詩云大車楹檻是也云士飾車者即書傳云乘飾車兩馬庶人

單馬木車是也朱干干楯也以朱飾楯楯食允玉戚戚斧也

戚斧也以玉飾斧玉戚于戚以舞大夏大夏夏

樂也周所以舞夏樂者王者始起未制作之時取先

王之樂與已同者假以風化天下天下大同乃自作

樂取夏樂者與周俱文也王者舞六樂于宗廟之中

舞先王之樂明有法也舞已之樂明有則也舞四夷

之樂大德廣及之也東夷之樂曰柶離南夷之樂曰

任西夷之樂曰禁北夷之樂曰昧○大夏戶雅反註

金又居東夷之樂至曰昧○解云以下皆樂說

鳩反文彼註云陽氣始起於懷任之物各離其八佾

成禁如收斂盛夏之時物皆懷任矣草木畢八佾

以舞大武此皆天子之禮也且夫牛馬維婁繫馬

曰維繫牛曰婁○佾音逸且夫音扶下此皆天子之禮也

解云以周公之功得用四代之樂而以大夏之徒謂

之為僭者刺其羣公之廟若祭周公則備○牛馬維



解云皆謂繫之於廐不得放逸于郊也

繫馬曰維者即詩云皎皎白駒繫之維之是也繫牛

曰婁者正以上言牛馬下言維婁維既屬馬婁屬於

牛亦可知矣而文不次者意到則言矣舊說云婁者

侶也謂聚委已者也

之於廐委食已者同已音紀委食音

嗣下而柔焉柔順委已者也而柔焉解云言

季氏作賞有年歲矣民從之固是其宜矣季氏得民衆以矣季氏專賞

罰得民衆之心久矣民順從之猶牛馬之於委食已

者君無多辱焉恐民必不從君命固為季氏用反

逐君故云爾子家駒上說正法下引時事以諫者欲

使昭公先自正乃正季氏

子家駒上說正法者

解云即謂上文朱干

及古鬲

王戚之屬是也云下引時事者謂牛馬維婁是也昭公不從其言終弑而敗

焉果反為季氏所逐終弑之者○解云謂陳兵欲往攻殺之也走之

齊齊侯唁公于野井弔亡國曰唁弔死國曰弔弔

喪主曰傷弔所執紼曰纒紼音弗音問唁者○解云

此文是也○弔喪至曰紼○解云皆當時之制也曰奈何君去魯國之社稷

昭公曰喪人自謂亡人不佞喪息浪反亡也不善失

守魯國之社稷執事以羞謙自比齊下執事言以

羞及君執事以羞○解云言已之尊卑比齊之執事也而舉措不善失守社稷由是之故以

君蓋及再拜顙顙者猶今叩頭矣謝見唁也顙再拜息黨

反見而稽顙也。慶于家駒。慶賀曰慶于免君於大難矣。子

家駒曰臣不佞陷君於大難君不忍加之以鉄鑽賜

之以死。鉄鑽要斬之罪即所錫之以死。且反下同。○大難乃

鉄音甫又方于反鑽之實反要一遙反。再拜顙謝為齊侯所慶高子

執簞食。簞葦器也。圓曰簞方曰筥。食即下所致糗

也。○簞音丹葦器食音嗣註葦于鬼。○至方曰筥。○

解云釋器無文蓋以時事言之云食即下所與四脰

致糗也者即下文云敢致糗於從者是也。脯曰脰者

○解云正以脰是伸舒之名則知脰是屈疊之稱矣。鄭註曲禮上篇云屈中曰脰義通於此。國子

卷三十四十二 及古

執壺漿壺禮器腹方口圓曰壺反之曰方壺有爵

飾壺西兩方壺左玄酒南上是也云腹方至爵飾者

釋器無文蓋用舊說或以時事知之言曰吾寡君聞

君在外餽饗未就餽餽熟食饗熟肉未就未成也解

所以致糗意餽餽熟食饗熟肉○解云聘禮

鼎九是飧為熟食也又云致饗餼五牢餼一牢云敢

致糗于從者糗糗糒也謙不敢斥魯侯故言從者

從才用反註及糗糗糒也○解云言糗糒若今之

下皆同糒音備糗糒也○糗媯紹反又羌九反糒

反平祕昭公曰君不忘吾先君延及喪人錫之以大禮

再拜稽首以衽受衽衽衣下裳當前者乏器謙不敢

求索

衽而甚反又而鳩反掩裳際也索所自反

錫之以大禮上文糗是也衽衣至乏

器○解云所以衽受之者而以行客之人於器物乏故也

高子曰有夫不祥猶

曰人皆有夫不善君無所辱大禮禮臣受君錫答

拜謂之拜命謂之辱高子見昭公拜辱大卑故曰君

無所辱大禮

○大卑音泰下大學同

昭公蓋祭而不嘗食必

食必

祭者謙不敢便嘗示有所先不嘗者待禮讓也

食必

必祭至讓也○解云凡禮食必先須祭者正欲作謙其未祭之時不敢便即嘗之欲示有所先今昭公祭

訖猶不嘗者正欲待禮讓故也景公曰寡人有不腆先君之服未之

敢服

**註**

腆厚也服謂齊侯所著衣服也言未敢服者

見魯侯乃敢服之謙辭也禮天子朝皮弁夕玄端朝

服以聽朝玄端以燕皮弁以征不義取禽獸行射諸

侯朝朝服夕深衣玄端以燕禕冕以朝天子以祭其

祖禰卿大夫冕服而助君祭朝服祭其祖禰士爵弁

黻衣裳以助公祭玄端以祭其祖禰

○腆他典反厚也著丁畧反禕

婢支反

**註**

禮天子朝○解云

有不腆先君之器

**註**

器謂上所執簞壺

**註**

器謂上所執簞壺者上文高子執簞食國子執壺漿是也然

則上言饗殮未熟今則更以簞壺盛饗殮是

未之敢用敢以請

**註**

請行禮

昭公曰喪人不佞失守魯國之社稷執事以羞敢辱

大禮敢辭

**國**

不敢當大禮故敢辭

**國**

敢辱至敢辭○  
解云亦上有不

字者若有不字則辭下讀是以註者以不敢言之

景公曰寡人有不腆先君

之服未之敢服有不腆先君之器未之敢用敢固以

請昭公曰以吾宗廟之在魯也

**國**

以我守宗廟在魯

時有先君之服未之能以服有先君之器未之能以

出敢固辭

**國**

已有時未能以事人今已無有義不可

以受人之禮

**國**

未之能以服者○解云謂未能服之  
以事人矣下文未之能以出亦然○

**國**今已無有者謂已身之  
已或解已為已然之已也

景公曰寡人有不腆先君

之服未之敢服有不腆先君之器未之敢用請以饗

乎從者國欲令受之故益謙言從者○令力昭公曰

喪人其何稱國行禮賓主當各有所稱時齊侯以諸

侯遇禮接昭公昭公自謙失國不敢以故稱自稱故

執謙問之○故稱尺證反景公曰孰君而無稱國猶曰誰為

君者而言無所稱乎昭公非君乎昭公於是噉然而

哭國噉然哭聲貌感景公言而自傷○噉古弔反諸

大夫皆哭國魯諸大夫從昭公者既哭以人為國

苗周埒垣也所以分別內外衛威儀今大學辟雍作



側字

○蓄側其反又側吏反埒垣力悅反下音袁別彼列反辟音璧也者○解云

猶言周匝為埒埒云今大學辟雍作側字者謂何氏所註者是蓄字今漢時大學辟雍所讀者作側字云

既哭以人為側

**以辟為席**

**幣車覆笭**

○幣示歷反車覆笭也一音呼聞反覆笭

力丁反

**為之**

有豎者有橫者故考工記註云鞬式之

植者橫者也禮君羔幣虎犴大夫士鹿幣豹犴者是也

**以鞬為几以遇禮相見**

**以諸侯出相遇之禮相見**

音安

**孔子曰其禮與其**

**辭足觀矣**

**言昭公素能若此禍不至是主書者喜**

為大國所唁地者痛錄公明臣子當憂納公也

**地**

者痛錄至公也○解云書其唁公于野井者正欲痛公而詳錄之下二十九年春齊侯使高張來唁公不

復書其地正以公居于運與在國同故與此異下  
三十年晉侯使荀櫟唁公于乾侯地者與此同

冬十月戊辰叔孫舍卒

十有一月己亥宋公佐卒于曲棘傳曲棘者何宋之邑

也諸侯卒其封內不地此何以地憂內也經時宋公

聞昭公見逐欲憂納之至曲棘而卒故恩錄之傳曲棘

者何○解云欲言宋邑例所不書欲言他邑文無所

繫故執不知問○諸侯卒其封內不地此何以地者

正以桓五年陳侯鮑卒不地是以弟子据而難之但

宣公九年晉侯黑臀卒于扈之下已有成註故於此

首○言

十有二月齊侯取運傳外取邑不書此何以書為公取

之也

**國**

為公取運以居公善其憂內故書不舉伐者

以言語從季氏取之月者善錄齊侯

○為公于偽反註同

**國**外取

邑不至以書○解云正據襄元年傳云魚石走之楚楚為之伐宋取彭城以封魚石而經不書楚取彭城是也但隱四年春莒人伐杞取牟婁之下有註故此省文○**國**不舉伐者○解云正以隱四年春莒人伐杞取牟婁舉伐言取故決之云月者善錄齊侯者正以哀八年夏齊人取讎及鄆外取邑而書時今此書月正以善憂內詳錄齊侯矣

二十有六年春王正月葬宋元公

三月公至自齊居于運

**國**月者閔公失國居運致者明

臣子當憂納公不當使居運後不復月者始錄可知

○不復扶國都而得言至自齊者穀梁傳云公次于揚州其曰  
又反下同次于揚州齊侯唁公于野井似不入齊  
至自齊何也註云掘公但至揚州未至齊以齊侯之  
見公可以言至自齊也註云齊侯唁公于野井以親  
虎齊侯為重故可言至自齊居于鄆者公在外也註  
云若但言公至自齊而不言居于鄆則嫌公得歸國  
欲明公實在外故言居于鄆○月者閔至居運者  
○解云正以凡致例時故也○致者至可知○解  
云桓元年三月公會鄭伯于垂之下註云不致者為  
下去正適足起無王未足以見無王罪深淺故復奪  
臣子辭成誅文也然則昭公失所為臣所逐而致之  
者正以罪輕於桓公明其臣子當憂納公故也云後  
不復月者始錄可知即此秋公至自會二十七年冬  
公至自齊居于鄆○公至自齊居于鄆之屬是也

夏公圍成

書者惡公失國幸而得運不修文德以來

書者惡公失國幸而得運不修文德以來

之復擾其民圍成不從叛書者本與國俱叛故不得復以叛為重不從定公又以親圍下邑為譏者昭無

臣子又即如定公當致也

○惡鳥路反

**四**

○解云成三年

秋叔孫僑如率師圍棘棘者何汝陽之不服邑也其言圍之何不聽也註云不聽者叛也不言叛者為內諱故書圍以起之然則今此圍成是圍叛之文而知為惡公書之者正以本與國俱叛理宜不復以叛為重故也○**四**不從至臣子○解云定十二年十有二月公圍成註云天子不親征下士諸侯不親征叛邑不能圍成不能服不能以一國為家甚危若從他國來故危錄之是也然則此經不書月亦與彼異而註不決之者省文從可知

秋公會齊侯莒子邾婁子杞伯盟于剡陵**四**不月者時

諸侯相與約欲納公故內喜為大信辭

○刺音專本亦作專

**解**

**國**不月至信辭○解云春秋之義大信者時小信者

月不信者日刺陵之會無相犯復無大信止合書月

而書時者正以約欲公至自會居于運**國**致會者責

納公故為大信辭矣

臣子明公已得意于諸侯不憂助納之而使居于運

**國**致會者至于運○解云莊六年註云公與二國

以上出會盟得意致會不得意不致即哀十三年

夏公會晉侯及吳子於黃池秋公至自會宣七年冬

公會晉侯以下于黑壤之屬是也然則公與二國以

上出會盟得意致會

明公已得意於諸侯

九月庚申楚子居卒

冬十月天王入于成周傳成周者何東周也國是時王

猛自號為西周天下因謂成周為東周

**○**成周者何  
**○**解云欲

言正居經無京師之稱欲言非正居天王入之故執  
不知問**○****○**是時王至西周**○**解云謂是上二十二

年時故彼經稱秋劉子單子以王猛入于王城傳云  
于城者何西周也註云時居王城邑自號西周王是

也其言入何**○**据入者篡辭**○**据入者篡辭**○**解  
云即莊六年衛侯朔

入于衛之下傳文所云不嫌也**○**上言天王者有天  
其言入何篡辭也是也

子已明不嫌為篡主言入者起其難也不言京師者

起正居在成周實外之月者為天下喜錄王者反正

位**○**為天**○**上言至難也**○**解云謂此經上有天  
于偽反**○**王之文下雖言入非篡可知上二十三

年秋天王居于狄泉傳云此未三年其稱天王者何  
著有天子然則此註云著有天子已明者取上傳之

文云主言入者起其難也者正以隱八年春入邴之  
下傳云其言入何難也莊二十四年秋夫人姜氏入  
之下傳云其言入何難也然則入者重難之辭故云  
主言入者起其難也○不言至外之○解云桓九  
年春紀季姜歸于京師之下傳云京師者何天子之  
居也則天子之居乃京師是也今言天王入于成周  
不言入京師者正欲起其正居在成周故也所以能  
起之者既為天王所入正居明矣言實外之者正以  
天子之重海內瞻望宜親九族以自衛守而辟庶孽  
蒙塵于外經歷數年方歸舊守是以不言京師欲以  
外之然則不言京師兼二義矣初起成周為正居終  
實外天子故云不言京師起正居在成周實外之也  
註云月者為天下喜錄王者反正位者正以此上二  
十二月秋劉子單子以王猛入于成周不書月今此  
月者為天下喜錄  
王者反正位故也

尹氏召伯毛伯以王子朝奔楚



立王子朝獨舉尹氏



出奔并舉召伯毛伯者明本在尹氏當先誅渠率後

治其黨猶楚嬰齊○渠率所類  
反或作帥  
**○**尹氏召伯至奔楚

此同左氏召伯作召氏  
○立王子朝獨舉尹氏者

○解云即上二十三年秋尹氏立王子朝是也云當

先誅渠帥後治其黨者漢之賊首皆謂之渠帥故何

氏云焉云猶楚嬰齊者成二年冬十有一月公會楚

公子嬰齊于蜀丙申公及楚人以下盟于蜀彼註云

上會不序諸侯大夫者嬰齊楚專政驕蹇臣也數道

其君率諸侯侵中國故獨先舉于上乃貶之

明本在嬰齊當先誅其本乃及其末是也

二十有七年春公如齊公至自齊居于運

夏四月吳弑其君僚○不書闔廬弑其君者為季子諱

明季子不忍父子兄弟自相殺讓國闔廬欲其享之

故為沒其罪也不舉專諸弑者起闔廬當國賤者不  
 得貶無所明文方見為季子諱本不出賊以明闔廬  
 罪雖可貶猶不舉月者非失眾見弑故不畧之

○為季子

偽反下同闔廬弑其君者○解云襄二十  
 見賢遍反九年吳子使札來聘下傳云闔廬曰先  
 君之所以不與子國而與弟者凡為季子故也將從  
 先君之命與則國宜之季子者也不從先君之命  
 與則我宜立者也僚烏得為君乎於是使專諸刺僚  
 著闔廬弑僚之文也今不書闔廬弑為季子諱不討  
 賊故也云明季子不忍父兄自相殺者即彼傳云而  
 致國乎季子季子不受曰爾弑吾君吾受爾國是吾  
 與爾為篡也爾殺吾兄吾又殺爾是父子兄弟相殺  
 終身無已也去之延陵終身不入吳國者是其文也  
 云不舉專諸弑者桓二年春王正月戊申宋督弑其  
 君與夷之下何氏註云督不氏者起馮當國然則彼

經取去督之氏者起其弑君取國與焉所以不舉專  
諸弑僚見取國與闔廬者正以其賤不得貶之假令  
書見正得稱人文無所明故也註月者明失眾見弑  
故不畧之者文十八年冬莒弑其君庶其傳云稱國  
以弑何稱國以弑者眾弑君之辭何氏云一人弑君  
國中人人盡喜故舉國以明失眾當坐絕也例皆時  
者畧之也然則稱國以弑者例皆不月以畧之今此  
月者直是本不出賊以除闔廬罪是以稱國非失眾  
見弑之例故不畧之

楚殺其大夫郤宛

○郤宛去逆反下紆宛反

秋晉士鞅宋樂祁犁衛北宮喜曹人邾婁人滕人會于

扈

○犁力兮反又力私反

冬十月曹伯午卒

邾婁快來奔傳邾婁快者何邾婁之大夫也邾婁無大

夫此何以書以近書也傳說與鼻我同義○邾婁快本又作噲

苦夫反邾婁鼻我來奔傳云邾婁鼻我者何邾婁大

夫也邾婁無大夫此何以書以近書也何氏云以奔

無他義知以治近升平書也所傳聞世見治始起外

諸夏錄大畧小大國有大夫小國畧稱人所聞之世

內諸夏治小如大廩廩近升平故小國有大夫治之

漸也見於邾婁者以近治也獨舉一國時亂實未有

大夫治亂不失其實故取足張法而已然則邾婁快

公如齊公至自齊居于運

與鼻我同義也云云之說在襄二十三年

二十有八年春王三月葬曹悼公

月者為下出也

于偽

**反**

月者為下出也。○解云正以上十八年二月曹伯卒然則曹於所見之世正自卒

月葬時故知此月宜為其下事出矣

公如晉次于乾侯

**反**

乾侯晉地名月者閔公內為強臣

所逐外如晉不見答次于乾侯不諱者憂危不暇殺

恥後不月者錄始可知

**反**

後不月至可知。○解云

次于乾侯是也

夏四月丙戌鄭伯甯卒

○伯甯乃定反下同左氏并下滕子名並作寧

六月葬鄭定公

公羊疏  
秋七月癸巳滕子甯卒冬葬滕悼公

二十有九年春公至自乾侯居于運不致以晉者不

見容于晉未至晉

齊侯使高張來唁公言來者居運從國內辭書者如

晉不見答喜見唁也不月者例時也言來至內

正以下三十一年晉侯使荀欒唁公于乾侯不言來辭者○解云

故也云不月者例時也者正以經不月故知例然則知下文荀欒唁公之徒雖在

公如晉次于乾侯

夏四月庚子叔倪卒

秋七月

冬十月運潰

**傳**

邑不言潰此其言潰何

**註**

据國曰潰邑

曰叛

**傳**

据國曰潰邑曰叛○解云即僖四年蔡潰文三年沈潰者是國曰潰之文襄二十六年

春衛孫林父入于戚以叛定十三年春宋公之弟辰及仲佗石彊公子地自陳入于蕭以叛是邑曰叛之文郭之也

**傳**

郭郭

**傳**

郭郭

**傳**

郭郭者郭之猶云

國之但古今異語也

**傳**

曷為郭之

**註**

据成三年棘叛不言潰也

**傳**

据成至潰也○解

云即彼經云叔孫僑

如帥師圍棘棘者何汶陽之不服邑也其言

圍之何不聽也彼註云不聽者叛也是也

君存焉

**傳**

昭公居之故從國言潰明罪在公也不言國之

**傳**

言郭之者公失國也不諱者責臣子當憂而納之殺

言郭之者公失國也不諱者責臣子當憂而納之殺

恥不如救危也孔子曰不患寡而患不均不患貧而

患不安其本乃由于圍成失大得小而不能節用

**說**

**註**不言國之言郭之者○解云正以桓七年春焚咸丘之下傳云咸丘者何邾婁之邑也曷為不繫乎邾婁國之也莊二年夏公子慶父帥師伐於餘丘之下傳云於餘丘者何邾婁之邑也曷為不繫乎邾婁國之也然則彼二文皆言國之今言郭之者正以昭公居國裁得國外上地而已其國內宗廟非公之有故傳言郭之不言國之耳云孔子曰不患寡而患不均不患貧而患不安者論語文言為國家者不患土地人民之寡少而患政令之不均平不患國無儲積而患君臣上下之不能相安而引之者欲道昭公政令失所是以出奔今居小地而復圍成擾亂其民令之不安由茲潰散無寸土可居久不得國而卒於外者身自取之者也云其本乃由于圍成者圍成仰二十六年夏公圍成是也失魯之大而得運邑故曰失大



得小不能自節約而用之  
乃復擾亂其民圍成也

三十年春王正月公在乾侯國月者閔公運潰無尺土

之居遠在乾侯故以存君書明臣子當憂納之國故

以存君書者○解云即襄二十九年春王正月公在

楚何言乎公在楚正月以存君也彼註云正月歲終

而復始臣子喜其君父與歲終而復始執贄存之故

言在今昭公運潰無尺土之土可居遠在他邦故以

存君書之故

云公在乾侯

夏六月庚辰晉侯去疾卒國去起呂反

秋八月葬晉頃公國頃音傾

冬十有二月吳滅徐徐子章禹奔楚國至此乃月者所

見世始錄夷狄滅小國也不從上州來巢見義者因

有出奔可責

○見賢 偏反 僖二十六年秋楚人滅隗以

隗子歸何氏云不月者畧夷狄滅微國也然則此亦

夷狄滅微國而書月者所見之世故也○不從至

可責○解云吳滅州來在上十三年冬吳滅巢在上

二十四年冬然則州來與巢皆當所見世而不書月

以見之至此乃月者正以既滅其國復奔其君因責

章禹不能死位是以於二國皆不書月也於上經既

不書月明其還同所聞之例故何氏於

三十有一年春王正月公在乾侯

季孫隱如會晉荀欒于適歷時晉侯使荀欒責季氏

不納昭公為此會也季氏負櫜謝過欲納昭公昭公

創惡季氏不敢入公出奔在外無君命所以書會以

殊外言來者從王魯錄諱亟取邑卒大夫者盈孫文

○荀櫟本又作櫟又作樂示滴樂也適丁歷反一音

狄負榘章藥反本又作箠惡烏路反亟去冀反孫音

遜孫季氏負榘至不敢入者○解云春秋說文彼

入者左傳亦有其文也○昭公出至魯錄○解云春

秋之義待君命然後卒大夫明其非君命者不錄之

也今昭公不在所以書季孫隱如會晉荀櫟于適歷

又書黑弓以濫來奔之文又以殊外者從王魯錄文

故得然不為爾時有君命也云諱亟取邑者卽下三

十二年取闕傳云闕者何邾婁之邑曷為不繫乎邾

婁諱亟也註云與取濫為亟是也云卒大夫者盈孫

文者卽上二十五年公遜于齊後叔孫舍卒二十九

年叔倪卒之徒是也然則春秋之義為君父諱惡春

秋之義待君命然後卒大夫然今君不在國而書大

夫之卒故須解之然則取闕不繫邾婁乃書大夫之卒者正欲盈足諱奔言遜之義故云盈孫文

夏四月丁巳薛伯穀卒國始卒便名曰書葬者薛比滕

最小迫後定寅皆當畧國始卒便名曰書葬者○

名日及葬未能悉具會國見之後方始能備即宣九年秋八月滕子卒成十六年夏四月辛未滕子卒昭

三年春王正月丁未滕子泉卒五月葬滕成公之徒是也言薛比滕最小者正以滕子卒於宣公之篇薛

今始卒故云比於滕為小國也而今始卒日即得名葬具書正由於後定寅皆當見畧迫此之故是以一

註備書矣其定見畧者即定十二年春薛伯定卒彼註云不日月者子無道當廢之而以爲後未至三年

失眾見弑危社稷宗廟禍端在定故畧之是也其寅見畧者即哀十年夏薛伯寅卒彼註云卒葬畧者與

杞伯益姑同是也昭六年春王正月杞伯益姑卒彼註云不日者行微弱故畧之入所見世責小國詳始

始

錄內行也諸侯內行小朱不可勝  
書故於終畧責之見其義是也

晉侯使荀櫟唁公子乾侯

秋葬晉獻公

冬黑弓以濫來奔

**傳**文何以無邾婁

**注**据讀言邾婁

黑

弓二傳作黑肱濫力其反又力暫反

冬黑弓者謂當時公羊子口讀邾婁黑弓矣

通濫也

**傳**通濫為國故使無所繫曷為通濫

**注**据庶其不通

也

**傳**据庶其不通也者○解云即襄二十一年春邾婁庶其以漆閭丘來奔是也

賢者子

孫宜有地也賢者孰謂謂叔術也

**注**叔術者邾婁顏

公之弟也或曰羣公子

**注**叔術者邾婁至弟也○解云謂母弟也或曰羣公

子謂庶弟也

何賢乎叔術

据叔術不書讓國也其讓國

奈何當邾婁頭之時

顏公時也邾婁女有為魯夫

人者則未知其為武公與懿公與孝公幼

不知孝

公者邾婁外孫邪將妾乎邪

武公與音餘及下註皆同

顏淫九

公子于宮中

所與淫公子凡九人

所與至九人○解云謂

顏公一人不應並淫九人故以所言之

因以納賊則未知其為魯公子

與邾婁公子與臧氏之母養公者也君幼則宜有養

者大夫之妾士之妻

禮也則未知臧氏之母者曷

為者也養公者必以其子入養

不離人母子因以

娛公也

**說**

則未知其為魯公子與者○解云為內通于魯公子也○邾婁之公子與者不知為

是邾婁公子者與古者諸侯一娶九女二國媵之而邾婁一國以并有九女於魯宮內者蓋所取於邾婁

相通為九人不必盡是一人妻矣○大夫之妾士之妻註禮也○解云大夫之妾士之妻禮記內則文故

註云禮也○則未知臧氏之母者曷為者也○解云按內則大夫之妾士之妻並陳之謂士妻不吉乃取

大夫之妾亦得事不具矣何者乳食一男何假二人乎則未知臧氏之母為是大夫之妾為是士之妻故

曰曷為者**臧氏之母聞有賊以其子易公抱公以逃****說**以

身死公則可以其子易公非事夫之義然而於王法

當賞以活公為重也**賊至湊公寢而弑之****說**弑臧氏

子也不知欲弑孝公者納篡邪將利其國也○湊七

臣有鮑廣父與梁買子者聞有賊趨而至臧氏之母曰公不死也在是吾以吾子易公矣於是負孝公之周愆天子天子爲之誅顏而立叔術反孝公于魯顏夫人者嫗盈女也國色也其言曰有能爲我殺殺顏者吾爲其妻

**殺顏者鮑廣父梁買子也婦人以貞**

一爲行云爾非德也

○愆音素本亦作誣爲之干僞反下爲我爲之則爲並同嫗紆

其反一音紆羽反爲行下

嫗盈女也者○解云謂此老嫗是盈姓之女○

孟反下殺顏者之行亦同

國色也者○解云謂顏色一國之選

叔術爲之殺殺顏者而以爲妻

利其色也有子焉謂之盱夏父者其所爲有於顏者



也國為顏公夫人時所為顏公生也許孤反本或作

跨一音夸夏父戶雅反及夏父邾顏公之二子謂之盱夏父者至有於顏者也○解云謂為顏

公妻時所以有之者盱幼而皆愛之叔術姬盈女皆愛盱食

必坐二子於其側而食之有珍怪之食珍怪猶奇

異也音嗣而食盱必先取足焉夏父曰以來猶曰以

彼物來置我前人未足人夏父自謂也而盱有餘

國言盱所得常多術覺焉覺悟也知少爭食長

必爭國易曰君子見幾而作知幾其神乎幾者動之

微者事之先見○長丁丈反先見賢徧國易曰至先見○解

云皆出下繫辭彼文云知幾其神乎君子上交不諂  
下交不瀆其知幾乎幾者動之微吉之先見者也君  
子見幾而作不  
俟終日是也

曰嘻此誠爾國也夫起而致國于夏

父夏父受而中分之叔術曰不可三分之叔術曰不  
可四分之叔術曰不可五分之然後受之

其一 ○曰嘻許其五分受其一 ○解云服虔成  
反也夫音扶長義云邾婁本附庸三十里耳

而言五分之為六里國也者彼乃左氏之偏辭未足  
以奪公羊以為邾婁本大國但春秋之前在各例隱

元年何氏有成解 公扈子者邾婁之父兄也當夫子作春

秋時於邾婁君為父兄之行公扈者氏也之行習

乎邾婁之故也 ○道所以言也 ○解云謂

道下傳所言矣其言曰惡有言人之國賢若此者乎惡有

猶何有寧有此之類也言賢者寧有反妻嫂殺殺顏

者之行乎○惡有音誅顏之時天子死叔術起而致

國于夏父國言叔術本欲讓迫有誅顏天子在爾故

天子死則讓無妻嫂惑兒爭食之事當此之時邾婁

人常被兵于周曰何故死吾天子猶曰何故死畜

吾天子違生時命而立夏父乎此天子死則讓之效

也夫子本所以知上傳賢者惡少功大也猶律一人

有數罪以重者論之春秋滅不言人是也案叔術妻

嫂雖有過惡當絕身無死刑當以殺殺顏者爲重宋  
繆公以反國與與夷除馮弑君之罪死乃反國不如  
生讓之大也馮殺與夷亦不輕於殺殺顏者比其罪  
不足而功有餘故得爲賢傳復記公扈子言者欲

夫子本以上傳通之故公扈子有是言

○數所主反復扶又反

**○**夫子本所至惡少功大也者○解云上傳謂五  
**○**分之然後受之以上矣○云春秋滅不言入是也  
者即莊十年傳云戰不言伐圍不言戰入不言圍滅  
不言入書其重者也是云當絕身無死刑者但常絕  
其身以爲不修不合殺之故曰無死刑然則內外亂  
鳥獸行則滅之者謂姑妹之徒今一則非父子聚麀  
二則嫂非姑姊妹故也○**○**當以殺至爲重○解云  
謂犯王命殺魯賢臣故以爲重○**○**宋繆公以反國

與至馮弒君之罪○解云宋繆公反國之事在隱三年彼傳文具矣其除馮弒君之罪者即桓二年宋督弒其君之下註云督不氏者起馮當國不舉馮弒為重者繆公廢子而反國得正故為之諱是也註云死乃反國不如生讓之大也者言繆公死乃反國非其全讓之意不如叔術生讓其功大矣註云馮殺與夷亦不輕於殺殺顏者謂馮為弒君叔術為犯王命皆是惡逆其罪勢等矣云比其罪不足而功有餘故得為賢者上解云其罪勢等矣而言罪不足者謂犯王命殺魯大夫豈如宋馮弒君乎故以為罪少于馮矣其罪既少其功有餘故得賢之

**通濫則文何以無邾婁**

**口繫于人**

**天下未有濫也**

實未有濫國春秋新通之爾故口繫于邾婁天下未

**通濫**

則文何以無邾婁

**口繫于人**

天下未有濫也

**口繫于人**

欲見天下

有濫則其言以濫來奔何國据土說天下實未有濫

者言春秋新通之也春秋所通之君文成矣不言濫

黑弓來奔而反與大夫竊邑來奔同文國而反與

來奔同文者○解云即襄二十一年叔術者賢大夫

也絕之則為叔術不欲絕不絕則世大夫也國此解

不言濫黑弓意叔術者賢大夫也如不口繫邾婁文

言濫黑弓來奔則為叔術賢心不欲自絕于國又觸

天下寶有濫無以起新通之文不可設也如口不絕

邾婁文言濫黑弓來奔則嫌氏邑起本邾婁世大夫

春秋口繫通之文亦不可施

起本邾婁至可施  
○解云若口云邾婁

文言濫黑弓來奔即嫌大夫氏邑欲起黑弓本是邾婁世大夫口繫于邾婁欲通之為世大夫故也

夫之義不得世故於是推而通之也推猶因也

就大夫竊邑奔文通之則大夫不世叔術賢心不欲

自絕兩明矣主書者在春秋前見王者起當追有功

顯有德興滅國繼絕世

主書者至繼絕世○解云隱元年註云諸大夫立

隱不起者在春秋前明王者受命不追治前事今此追之者春秋之義勸其後功是以上二十年傳曰君子之善善也長惡惡也短惡惡止其善善及子孫賢者子孫故君子為之諱是也

十有二月辛亥朔日有食之

是後昭公死外晉大夫

專執楚犯中國圍蔡也

**國**是後昭公死外者○解云卽下三十二年冬公薨

于乾侯是云晉大夫專執者卽定元年三月晉人執宋仲幾于京師傳云其稱人何貶曷爲貶不與大夫

專執也是云楚犯中國圍蔡也者卽定四年秋楚人圍蔡是也直言圍蔡足矣何須言楚犯中國欲言日

食爲夷狄強諸夏微之象故也

三十有二年春王正月公在乾侯

取闕闕闕者何邾婁之邑也曷爲不繫乎邾婁諱亟也

**國**與取濫爲亟

○闕口暫反亟去黃反註同

**國**闕者何○解云欲言是國諸典未聞

欲言是邑文無所繫故執不知問○**國**與取濫爲亟○解云取亦作受字者二年之間北取兩邑故以爲

亟而諱之矣



夏吳伐越

秋七月

冬仲孫何忌會晉韓不信齊高張宋仲幾衛世叔申鄭

國參曹人莒人邾婁人杞人小邾婁人城成周

**註**書者起時善其修廢職有尊卑之意也孔子曰謹

權量審法度修廢官四方之政行焉言成周者起正

居實外之 ○量音亮 **註**書者至意也 ○解云隱七年夏

云以功重故書也當稍稍補完之至令大崩弛壞敗  
然後發衆城之猥苦百姓虛空國家故言城明其功  
重與始作城無異然則天子之城不時修理至令大  
壞方始城之而書者正欲起其當時之善故也何者

當是之時天子陵遲諸侯奢縱忽能修其廢職有尊  
 尊之心是以書見故曰起時善云孔子曰謹權量至  
 行焉者論語文彼註云言成周者欲起正居實外之  
 正以不言京師而言成周者欲起正居在成周故也  
 言實外之者正以上微弱不能守成周不是小事猥  
 苦天下是以不言京師實外天子云云之說在上二

十六年

十有二月己未公薨于朝侯

諸陸

ZHUJI LIBRARY



諸暨圖書館  
— ZHUJI LIBRARY —



諸暨圖書館  
— ZHUJI LIBRARY —